

富順縣志卷之四

廟壇 寺觀附祠即廟之支流故不別目

名稱	地址	修建	勝蹟	附考
大祀		宋 三次	宮牆對翠屏山如展	
至聖先師廟	在縣治東元	元 三次	榜然縣中	元 二記
	正向大南門清	明 九次	咸以爲是	明 四記
		六次	山之勝	清 七記
光緒丁未				
以前中祀				

富順縣志

卷之四 廟壇

名稱屬

案歷代典制至聖廟古多稱孔子廟史記及闕里志或曰仲

尼廟史記孔子世家孔廟北魏書高祖紀宣尼廟宋書禮志孔父

廟隋書禮儀志孔聖廟唐皮日休請韓文公配饗太學書文宣王廟冊府元龜

唐大曆十三年宣聖廟闕里志宋淳化四年夫子廟宋歐陽修穀城先

聖廟闕里志元大德初先師廟明史太祖紀文廟明會典永

聖廟清嘉慶五年嫌文廟之名與武廟爲匹敵因改稱聖廟參錯紛歧莫衷一

是近日祀孔典禮說因以稱孔子廟爲最古而據以

定名然稱名雖古究嫌與後賢後儒等視未極欽崇

貴州遵義府志稱先師廟與大清會典同富順縣舊

志敘州府志稱文廟制緣公牘嘉慶五年雖改稱聖廟公牘多仍習慣

光緒三十二年禮部議皆於名義不悖而漢儒所謂

經師僅在傳經授受孔子生民未有又不當僅以文

稱明邱濬論義似仍多未盡今謹遵四川通志稱至

聖先師廟與禮釋奠先聖先師之文較為綜愜非敢

好異竊比折衷

修建屬

宋慶歷四年建見四川通志乾道元年知監史全建題名

富順縣志

卷之四 廟壇

二

塔李暉撰記見通志並富順段志高宗紹興中知監蒲津關修

理宗寶慶中知監趙希益重修

元武宗至大四年知州任顯忠蓋補大成殿立戟門

置禮器籩豆壬子又修兩廡三門英宗至治元年縣

佐王納速建碑亭植兩廡欄楯構講堂順帝至正己

丑知州李奉元製禮器配位至正十一年知州蒲善

繼修建大成殿上二條自高宗以下皆段志

案段志載元趙祖全記稱元自至元辛卯郡守蒲善

繼構正殿至大辛亥武略將軍任顯忠謂正殿滲漏

戟門未建遂計材鼎新塗蓋是蒲建正殿在任顯忠
前無疑段志於順帝至正己丑後書至正十一年知
州蒲善繼建大成殿則誤矣通志因之敘州府志又
沿之並於至治元年判官王納速增修下繼以十一
年知州蒲善繼增修云云而去至正字玩其文義一
似至治十一年則尤誤矣考元有兩至元世祖前至
元三十一年順帝後至元六年至元辛卯爲世祖二
十八年順帝辛卯爲至正十一年段繫蒲善繼於至
正十一年或者以後之辛卯當前之辛卯而至元至

富順縣志

卷之四 廟壇

三

正則未嘗詳辨與

新增

明洪武六年知縣鍾鉉修廟學及壇墀正統八年知
縣李眞修大成殿及兩廡二十四楹增備祭器又同
教諭曾衡於明倫堂南創建抱廳三間堂之內外皆
甃以石戟門外泮池架石爲梁環以欄楯宣德七年
縣丞李孟謙重建明倫堂天順三年知縣孫瑀復修
大成殿及兩廡戟門櫺星門明倫堂會饌廳成化八
年知縣李嵩修學宮泮池成化末年知縣梁文修明
倫堂展學地十丈造石香爐等器嘉靖二年知縣周

夔建明倫堂鑄立鐘鼓戟門外並建泮池嘉靖二十四年知縣嚴清修名宦鄉賢祠崇禎十年知縣貢其志修文廟兩廡及明倫堂文昌閣名宦祠鄉賢祠奎星樓射圃鯉門泮池龍池

段志

案四川通志嘉靖二十四年知縣嚴清增修下有二十八年教諭韓彥清加修會省吾有記十六字為段志所無彥清傳亦不載此事今考段志所載會省吾儒學題名記文自始至末均叙教職一官關係綦重與勒石題名之意并無一語及韓修葺之事通志所云蓋誤知縣貢其志增修段志載崇禎十年通志改作四年亦誤

清康熙二十一年知縣錢紹隆修大成殿明倫堂四

富順縣志

卷之四

廟壇

四

十四年知縣滿雲鷗修復兩廡四十八年知縣錢經紳修名宦鄉賢祠雍正六年知縣俞起運修補大成殿兩廡乾隆二十年知縣熊葵向修砌圍牆重建大成殿兩廡併砌月臺聖道規制增舊

段志

道光十六年知縣鄧仁堃勸諭改建例貢生蕭永昇獨肩其任歷四載始成費制錢三萬二千餘緡自崇聖祠大成殿月臺兩廡戟門更衣祭器所下至櫺星門名宦鄉賢祠禮門義路泮池橋欄宮牆外賢關聖域門皆高廣堅緻踰舊數倍

据呂志

光緒中邑紳劉宣劉紹祖等釀貲籌置樂器又倡設樂器歲修會並置田業二十二年知縣江仁葆同邑紳陳淵等重葺三十三年升孔子爲大祀詔殿廡牆垣通用黃瓦崇聖祠亦一例辦理先是乾隆三年詔文廟大成殿大成門均易黃瓦餘尙覆綠瓦邑紳張崇仁劉紹祖等募金更易兼拓露臺至宣統初始釐事

又二十二年邑紳張世芳蕭煜等稟縣通詳上憲將兩姓先世所捐小學田業二處提出永備聖廟歲修

富順縣志

卷之四

廟壇

五

他項不得挪用

廟制 正中爲大成殿殿外爲丹墀墀左右列東西階階下左右列東西廡前爲大成門即載門外左右

爲更衣祭器所所之下爲名宦鄉賢祠

明洪武二年始詔文廟附

祀名宦鄉賢

前築石柱爲櫺星門門外爲泮池

段志泮池地在櫺星

門內蓋時尙沿明舊

池外繚以紅牆牆左右列聖域賢關二門

池左右爲禮門義路各下馬碑一

上新增

至聖先師孔子神位居中南向木主舊用朱地金書

光緒末年升大祀改用金地青書

木主尺寸定式載四川通志新

增

至聖像石刻在崇聖祠後唐吳道子寫後改木刻段志

元趙祖全有記謂係南宋紹興十五年秋八月辛巳餘杭成均石刻

崇聖祠 在大成殿後舊稱啟聖祠雍正元年改稱

段志

崇聖祠壁 嵌明尚書甘為霖富順十景五律十首刻石由城南朝聖樓壁移置

櫺星門舊用木宏治中知縣梁文始易以石

附考屬

節錄元訓導趙祖全記 記曰凡學春官釋奠於其先師至漢儒始有先師先聖之

富順縣志

卷之四 廟壇

六

祀然漢之學校郡縣雖設而孔子之廟不出闕里明帝始詔郡縣祀孔子於學而廟制未之見也唐興始命國子監立孔子廟貞觀詔天下州縣皆立孔子廟元自至元辛卯郡守蒲善繼構正殿至大辛亥武略將軍任顯忠謂學校風化所基而正殿滲漏禮器不修戟門未建講堂尙虛遂計材鼎新塗蓋置籩豆壘爵一百餘又明年而修兩廡三門至治元年縣佐王納速實來判是郡追美兩侯建御書碑亭植欄於兩廡構講堂於舊基猶與三君之於廟學也可謂盡心焉耳矣

節錄趙祖全再記 廟學圯於泰定乙丑之水泛流湍悍基址崩摧僅存三門至正己丑

夏奉元李侯被命守邦閱視殿宇門廡器皿供具虧缺按古禮器圖無銅鑄之儀遂命竹工木工因圖製成竹邊木豆及俎凡二百九十五更造正配位凡五從祀凡十二甫畢工適丁秋祀躬視殺牲器皿盥滌掃除籩豆有楚穀核惟旅率僚屬同寅協恭嚴潔環而觀者莫不咨嗟驚歎至是秩滿將代莫不願紀其

實於堅珉以為後憲

節錄明主事汪回顯記

學校有司之首務正統癸亥關內李真子誠來視篆三日

首謁廟學目其挺者推覆者缺廉者墮植者仄色者
污輒憮然曰是皆有司之責期年之間百廢肇舉以
殿宇遠深不暇改作則隆其棟桷之下壓者鱗其覆
瓦之缺壞者兩廡撤舊圖新東西凡二十四楹丹堊
藻繪舉以法復圖從祀於廟兩廡暨位凡一百有九
循令典也至若籩豆壘爵供祀之器亦筠之木之陶
之罔不備舉又偕教諭會衡於明倫堂南創建抱廳
三間皆極軒敞堂之內外並贊以石堂之下有雁塔
肇於宋乾道初字畫漫沒不可辨乃琢石重鐫並續
洪武以來舉人進士名於其上以勵學者又於櫺星
門內濬池為泮架石為梁而環以欄楯凡可以致力
於學校者靡不悉心為之

節錄知縣孫瑀記

天順紀元子以不才來知縣事生員陳表等累以文廟傾頽為言子

富順縣志

卷之四

廟壇

七

方欲經營以舉其事異塗同宦者從而挾主之事將
寢適侍御王公用憲副高公澄維持其際力勉為之
邑人熊福能輩慨然捐資來助興工間橫逆之民又
復迭相誣過子則以為孔子乃萬世師學校實育賢
之地封章上聞特獲俞允於是命匠市材半載之間
落成大成殿視舊加以層檐而高廣增三之一兩廡
儀門則撤腐換新櫺星門則別為改造明倫堂會饌
廳則仍前制而加修葺棟宇楹龕金碧焜耀事竣眾
皆請子為記子故直序其興廢之由如此

節錄尚書長甯周洪謨記

四川郡縣學百有三十餘處而人才之多風化之盛

未有過於富順者也予嘗參稽宋輿地紀勝寰宇記
元大統志諸書以修郡志是以知之迨至國朝士之
登甲第以出身為尚書任侍郎列朝署官藩郡者咸
有其人是雖本於大化陶冶之功要亦有司勸化之
力往歲李君朝用即李嵩嘗葺廟學令尹梁君
光輔即梁文以名進士繼之畢其所未畢櫺星

門以石易木爵蓋以銅易錫展學地若干丈費費若
千百立育才坊叢桂坊造石香爐凡既備矣乃來求
記於子子惟學制講道有堂肄業有齋會膳有房習
射有圃堂之前建大成殿及大成門及左右兩廡先
聖四配十哲及門弟子歷代名儒像凡百有二十五
春秋必祀朔望必謁後進之游乎此者晨夕密邇宮
牆之下恍然如親炙於杏壇之上豈可聚談曠日而
已哉

案段志載成化八年知縣李嵩修學宮泮池有記成
化末年知縣梁文展修但附載周洪謨記而不言梁
別有記周記稱往歲李君嘗葺廟學梁君以名進士
繼之畢其所未畢是段志有記即指周記而言四川
通志乃云成化八年李嵩修學宮泮池有記末年知
縣梁文增修周洪謨有記則使人疑為二記矣通志
誤敘州府志同

節錄瀘州進士曾璵泮池頌序
泮水頌頌周侯也曷
為頌周侯修泮水頌

富順縣志 卷之四 廟壇 八

也魯僖修泮詩人實頌之春秋不書重知務也皆有
大美存焉以為疑焉者過也乃嘉靖四年春余鄰邑
金川師遣弟子員曹子宗夏楊子良來言於余曰我
周侯治邑二年五善克敦百度允諧胥吏惴惴隸卒
木立百里孚動皆在口碑也我師儒不能以縷亦無
待於我師儒也惟是興學育才茂功先我師儒晦而
不彰其有慝乎邑賢彬彬我師儒未敢干以頌言懼
涉於私爾子修身好古又素知侯以茲所陳取而稱
述子其在哉余曰嗟乎余固得於講聞備調職當之
餘矣學古而見之行可風天下而况吾蜀也乎竊雅
頌之遺聲作泮水頌其辭曰言言泮宮瀟瀟泮水冠
衿峩峩多士戾止誰其辭之我侯周子誰其樂之我
侯周子泮宮言言泮水瀟瀟冠衿峩峩多士孔淑我
侯新之庶其式穀我侯樂之庶其錫福噲噲斯堂坦
坦斯道來登來游無呼無傲周侯營之胥誨胥告周
侯臨之載色載笑斯堂噲噲斯道坦坦來登來游無
愧無赧周侯營之發號易簡周侯臨之發慮懇款肅
肅周侯其儀不忒其儀不忒惟上之則克敬克明而

康而色示我周行無反無側周侯肅肅其儀不瀆其儀不瀆惟士之律既直既温如金如玉示我周行無回無適周侯在泮雙旂晶晶既飲旨酒既歌好音誘我小子造我成人禺禺印印克廣德心周侯在泮六轡耳耳旨酒既芬好音既起嘉績用成將去其里何以置之廟堂之史嘉靖四年

節錄司業陳盟記

維源儒學古地與縣治一脈同來其形大都前人紀之詳矣無何逆

躡狂蹂凶焰延於鬯宇圯壞荒唐鞠為茂草如是者十六年貢侯以達諱其志江夏人也由屏山蒞我士下車視學周匝詳審計物料材用確畫在心一日論弟子員八人至公堂語曰頒費鳩匠捐俸設處我為政爾諸生則宜董治匠作夙興夜寐入生唯唯唯季春經始至孟秋告成是舉也貢侯主於上措置二百餘金庠師教諭成都朱如寶訓導朱之禎弼焉而鹽廳沈繼周巡司楊楫皆承流宣力之署也督理者鄉紳知州熊喆同知熊姓董治生員熊灃趙延泰張希詠傅廷對劉廷試劉修朱周祚貢生朱無息捐助者貢

富順縣志

卷之四

廟壇

九

侯友江夏金陞此特見之俠義也邑中捐助知府邵建封給事中錢夢皋侍郎楊述程副使楊世賞參議劉象瑤參政范鑛行人劉鼎知縣周士英貢生錢象景楊愈盛楊愈昌等例得並書

清尚書徐乾學記

見學校

知縣錢紹隆記

見學校

節錄知縣滿雲鷗記

茲學建於宋毀於明前任錢令重建正殿余叨宰茲邑謁登分

獻之時睹兩廡鞠為茂草從來有堂陞者必有廊宇為左右翼豈有廟貌孤立而賢哲之靈爽瞻觀蒿萊守土者何以安乎爰與廣文董尉劉捐薄俸令闔邑紳士矩日拓地鳩工庀材建兩廡於東西各五間按列牌位於內一載落成青丹堊矚稍立規模庶幾睹洙泗之淵源於一室而私淑乎聖人之教者恍沐杏壇之休風也已至余之不才幼叨鄉薦濫竽民社文翁雅化何敢妄幾亦不過景仰乎前人起學之心深

有望於後來之學者云爾

節錄知縣錢經紳記

宮牆何如地春秋得循典制茲澗溪一縷毛酌行潦一勺水廁

庭燎光被之餘依先師大聖末照非夙樹三不朽之鴻業其孰能與於斯後人於先賢先儒而下置祠曰名宦曰鄉賢宦以名傳膺之者節度中丞而下逮丞簿尉不以崇卑論也鄉以賢名膺之者公孤休采而下逮逢掖士不以顯晦論也君子曰此三代之公道之行也名宦載自本朝其功懋澤深被當時而流後世者固耿耿在人耳目而不能忘豈前乎此者竟渺無其人與蓋文獻不足徵也若鄉賢則舊聞放佚故老云亡亦無有能述其往事論今感昔祇漠然徒見山高水深而已祠舊地圯康熙二十年家給諫紹隆公實守是邦拮据橋門事艱工鉅僅恢廟宇二祠闕如今二十餘年紳來踵事相度舊址以經以營會邑人方疏功德請祀如禮公為之前紳為之後敢云光美傳盛哉有事為榮亦幸際矣

富順縣志

卷之四

廟壇

十

案記云名宦載自本朝而段志所列名宦祠祀位蜀漢一人宋九人明一人與記文歧異意者祠成後增入與抑所謂載自本朝者不知何據今不可考矣又清例鄉賢之祀甚嚴惟異代入祀者不以此論通志一百六十卷辨譌類云安岳舊列鄉賢宋代止景泰景思忠二人然邑人宋史有傳者七附見者四自馮澥外皆表表者舊祀鄉賢於宋似失之隘康熙中修學宮主其事者未加考核遂將人物志所列盡入鄉賢而馮澥亦與焉此不當祀据此則各州縣異代鄉

賢印由建學宮時官紳主持不必申詳大吏咨部勘覆故錢記有邑人方疏功德請祀如禮之言而名宦之祀四川州縣彼此紛歧各行其意亦猶此矣并研縣志學校門云鄉賢皆相承舊祀不盡由題請遵義府志名宦鄉賢祠後均有餘皆相承舊祀或未詳或誤收之文尤足為富順明證

節錄知縣熊葵向記 余以乾隆十八年癸酉冬來任富邑下車即謁夫子廟見圍垣多缺棟椽欲頽階級臺堦存毀不一甲戌春捐養廉百餘鳩工修砌圍牆造木架覆以瓦甍既成邑紳劉安貴郭育王椿王來一等謂能新大成殿願襄盛舉爰於丙子冬首捐百金集紳計得千餘兩起工於丁

富順縣志

卷之四 廟壇

十一

丑仲春至十二月告竣殿較前增高五尺神位概從新製金珠塗繪內外輝奕兩廡戟門以及月臺丹墀木石之營亦皆整飭是皆諸君子尚義急公之力居多富邑文人其由茲蔚起乎謹書之以俟後之君子以上段志

節錄教諭秦樹庠記

道光丙申十六年楚南鄧厚甫先生視富順篆肅謁之下因謀

諸余曰先生司鐸茲土余亦躬膺民社以富邑聲明甚非所以昭誠敬而隆禮制也惟工鉅費煩勢不得不借資民力適有蕭君永昇願獨肩改建之任令子姪輩赴雷波捕集名材而山溪險隘殊艱水運後溪漲候高數丈遂得順流而下論者以為有神助焉蕭君家距城七十里時往時來督工造作始道光十六年八月九日落成於二十年七月四日費制錢三萬二千零六十八千二百八十九文時邑侯嘉其義欲達諸上游仰邀議敘乃蕭君當趨事則踴躍而前處

盛名則遷謝恐後世所謂雍然有古處風者微其人其誰與歸今告成數載而蕭君之善猶未勒諸貞珉恐久就湮沒無以為後人勸也因為敘其顛末云

以上呂志
節錄拔貢張世芳記道光中邑紳蕭公平齋以獨力

十年廟貌雖仍而丹青蝕矣乃以印簿募緡經始於

江侯荔鄉落成於鄧侯華溪至沈侯幼嵐乃泐石紀

事凡用物料工費若干寢楹廡祠煥赫嚴翼邑人又

集金備樂舞歲時承祀鐘鼓籥翟輝煌兩階其彬雅

名宦祠

蜀張翼

宋張宗誨 周延儁 程驥 楊騫 王純仁

富順縣志

卷之四

廟壇

三

黃裳 虞夷簡 趙希益 家炎

明四川巡撫曾省吾 敘州府知府趙隆美舊志列清

代今据四川通志及敘州府志改正 一統志所列富順明代名宦尚有盧安世

清四川總督李國英 四川巡撫杭愛

敘州知府顏敷 鎮南將軍莽依圖

工部尚書湯斌 吏部尚書徐潮

振武將軍佛尼勒 監察御史陸隴其

太子太保福善 太子太傅魏裔介

太子太傅馬漢 漢軍都統馮國相

布政使司郎廷相

按察僉事周燦

御 史高起龍

御 史噶爾圖

光祿大夫朱馬喇

光祿大夫伊馬喇

副都御史姚締虞

給事中 錢紹隆

按察使司劉德芳

以上段志

閩浙總督前四董教增

黃志

四川總督戴三錫

四川學政聶銑敏

呂志

陝西巡撫前劉

蓉 新增

共三十七人

案大清會典禮部凡崇祀名宦以直省司牧之官有
功斯民遺愛難泯者為斷舊志所載繩以此例似難

富順縣志

卷之四

廟壇

三

盡合又富順名宦祠建於康熙四十八年據乾隆二
十九年所修大清一統志載四川統部名宦富順奉
祀除李國英杭愛郎廷相姚締虞劉德芳五人列志
外尚有十八人不與顏敷錢紹隆等或係敘州府知
府或題請在後朱馬喇伊馬喇係順治康熙間帶兵
戡定川地之人猶自有說莽依圖以下九人則既非
服官川省筮仕又在勅修一統志以前一統志名宦
均無名不知何以入祀至郎廷相當署河南巡撫前
四川布政使周燦當署四川督學高起龍當署四川

布政使噶爾圖姚縮虞當署四川巡撫錢紹隆當署
給事中前富順縣知縣舊銜頗欠典核並識此以俟
後之君子

鄉賢祠

明監察御史郭廉

布政使司參政甘敬修
參政二字據段志甘敬修本傳增

按察僉事范宏毅 教諭郭維新

監察御史范珠 布政使司周載

按察副使劉用中 知州熊載

稽勳主事宋寅 知府周詔

富順縣志

卷之四

廟壇

古

工部尚書甘為霖 禮部郎中熊過

侍讀學士陳進之 案陳進之既官侍讀學士明係科目出身而舊志明代進士舉

貢薦辟封蔭表內乃均無名鄉賢文苑孝義各門亦不為立傳頗令人不解

按察副使唐曜 戶部郎中周鍵

監察御史熊迴 參政范懋和

督學宋豫卿 按察副使唐可封

布政使司劉之龍 按察副使朱莒

給事中錢夢皋 御史楊大烈 據舊志係贈銜

兵部侍郎楊述中 兵部侍郎劉時俊

兵部侍郎楊述程 監察御史聶紹昌

按察副使楊世賞 按察副使唐登儁

兵部尚書范鑛 按察副使熊江

尚寶司丞聶繩昌 給事中劉堯珍

知縣錢生輝 貢生羅之會

庠生向玉階 共三十六人

其四配十二哲及兩廡先賢先儒祀位崇聖祠祀位與大成殿所有祭品禮器儀文樂舞及以下一切典禮均詳大清會典大清通禮各書升大祀以後典禮見光緒新法令

大祀 在縣治隔江之南岡 明鍾鉉

富順縣志 卷之四 廟壇 五

南壇 上舊在西關外太平 清宋廷楨

即社稷壇橋南

附考屬

明洪武初年知縣鐘鉉創建以在西關外故俗稱西壇道光四年知縣宋廷楨以地近民居湫隘囂塵且壇以南稱宜選陽明之位富邑城南濱河無餘地遂渡河登南山見地平曠詢悉為何德宗糧地以三十六緡購得之壇廣袤十丈西偏更衣亭三楹深一丈六尺廣二丈八尺經始乙酉正月六日功竣二月八日道光五年三月朔日宋廷楨記黃志
每歲春秋仲月上戊日致祭累石為壇四面為門飾以丹堊壇設石主二立壇土中不鐫神號外置木主二一書社神一書稷神

中祀 祇壇即神在縣治北

北壇稱山川在小北門

雷雨壇嘉址狹隘

附考屬

大清會典直省府州縣建神祇壇中設風雲雷雨之神位左設本境山川之神位右設本境城隍之神位道光七年知縣宋廷楨移建今地邑舉人朱婉為記畧曰上古祀典虞書柴望秩山川而已周禮以禋燎祀風師雨師又不及雲雷漢郊祀志祠雲中君唐天寶間詔登震雷於羣望歷代疏數隨時我朝勅建壇壝合天神地祇而同饗之雍正十一年頒發奉祀雷雨風雲山川社稷祭章於直省府廳州縣俾之虔修祀事富順為川南甲邑壇地湫隘弗稱歲甲申邑侯宋金甫先生來視事展謁歎曰是何足以將誠敬哉先遷西壇於江之南岸奎星樓後是為南壇惜北壇無可遷一日道出北岡下升而望曰是岡由馬腦山

富順縣志

卷之四 廟壇

六

分支而來至江邊截然而止對岸諸秀峯環拱詢之農人曰此城隍廟燈會地也侯曰以公奉公莫吉於此乃移北壇於岡上庀材鳩工踰兩月而落成

遵義府志引會典云歲以春秋仲月諏日致祭又引雍正十一年頒行祀典云每歲春秋仲月上戊致祭四川通志云與社稷壇同日致祭本縣黃志云每歲同社稷前後致祭案社稷壇以上戊致祭通志所云即遵義志之上戊惟會典後出黃志又後出而義略相通故並存之以備考

中祀

先農壇

在城東南雍正四年隔江翠屏設壇後正山下舊在房三間中治東十里奉神牌兩近河溪鋪翼為庫房貯祭器農具道光時改建今地

每歲仲春月亥日正印官率屬員耆老農夫致祭行耕籍禮

雩壇不另立乾隆九年定每歲孟夏舉行常雩即就先農壇行禮並合祀山川社稷諸神時日乾隆七年定每歲四月十八日致祭亦不別立乾隆七年定旱則雩祭祈雨澇則祭祭求晴均附先農壇行禮上据黃志

附考屬

案段志古蹟類勸農臺在勸農山山川類勸農山在城南隔雒水五里上衍夷平曠宋州守黃商卿嘗勸農於此明知縣李真率僚屬里士於三月三日登山祭先農勸耕賜農人酒食賦詩所載明知縣秦可貞詩有漫尋往蹟省農耕之句足徵勸農臺不始於明

富順縣志

卷之四

廟壇

七

清知縣錢紹隆詩有農祥上戊歲祈壇亂後三年未往觀之句足徵會祭先農於此惟其時定制未頒由賢有司自爲倡導故得云亂後三年未往若已載祀典焉能疏數由人又焉得云往觀迨雍正四年始奉上諭云禮天子爲藉千畝諸侯百畝據此耕藉亦可通於臣下朕欲令守土官俱行耕藉使知稼穡艱難五年題准儀注頒行直省各擇東郊腴潔官地立爲藉田卽於藉田後立先農壇是各州縣之有壇實始雍正固不得以勸農臺代壇亦不得因錢詩祈壇字

遂謂先已有壇也 雍正上諭見皇朝瑣屑錄通志

遵義府志則但載典禮

中祀

武廟

在治東北隅

清康熙五十七年知縣劉上駟修有記

公牘亦稱關帝廟

附考屬

節錄劉記

舊廟一宇今現置河上東門建有年矣閭歲大水波濤直覆屋梁邑人操舟楫奉神尸以出踰時月復奉以歸一似見逼陽侯遜而避之者駟歷官七年每朔望瞻仰四壁猶有舊痕堂宇且漸就圯謀遂舊貫而仍之竊慮江漲無時縱能更新終難免於水患爰三咨羣議邑父老進曰城東北有

富順縣志

卷之四

廟壇

六

舊公廨隸名分司用以駐巡方使節遺迹猶存蓋遷諸旋往察其向背負山帶河東郭靈區也亟捐頌俸經之弗敢以違康熙五十七年十二月二十四日落成 段志

順治元年定每歲五月十三日致祭雍正三年追封

三代公爵咸豐三年升中祀春秋仲月卜吉致祭五

月十三日仍加告祭五年晉封三代王爵 五年入字 新增餘呂

志

後殿祭祀時日齋戒與正殿同

呂志

忠義祠 在武廟露臺下左廂 羣祀 附下昭忠節孝同

文仲安 曹承燕 胡志海 黃輔

余 釗 鞠勝茂 金 珠 彭德真

吳 誠 李 政 歐時用 黃南斗

王大賓 黃 欽 江志鑾 唐大湖

宋 傳 熊兆桂 劉堯恭 阮捷中

楊愈盛 阮掄中 范 瑜 聶繩昌

錢生輝 羅之會 向玉階 劉孝誠

李 夔 余必華 黃 璿 甘志高

周 安 周 寧 余 爵 周 鍵

黃必高 李繼宗 何文富 吳可賓

富順縣志 卷之四 廟壇 九

劉以真 共四十一人

昭忠祠 在武廟露臺下右廂 羣祀

節孝祠 在武廟前左廳後 羣祀

中祀 一次

文昌宮 在治西鍾秀山 明三次

廟門石刻 一聯二水 樓臺仙子 宅兩山文 武化人宮 為邑人明 李長春題

修建屬

明初在鍾秀山萬曆四十二年重修知縣徐騰芳有

記

清初移祀玉霄觀乾隆十四年移祀北街署令張鳳
翥置祭田十六畝邑人晏昭有記四十一年丙申署
知縣段玉裁從邑士民之請移建鍾秀山邑人李芝
有記 上据段志

附考屬

節錄邑進士李芝記

治北鍾秀山秀甲諸峰山頂平曠舊有梓潼帝君祠置自前明形家謂是山融結秀特靈脈所聚毓為國華邑中由宋迄明才名科第麟斌接踵為神降所致蓋亦有所驗與流賊遺氛所在琳宮俱遭燬燼祠亦倏成莽灌矣國初祠於玉霄觀繼復建祠北街之陰地僻址狹

富順縣志

卷之四

廟壇

三

雜以民居非所以妥神靈崇祀典也承平百餘年搢紳耆老議欲規復舊址恆以功鉅遂致中樞乾隆丙申邑令尹段侯臨蒞吾邑詢諸紳士遂欲移修帝君祠眾議僉同咸樂欣助獲二千兩有奇囑鄉士之老成歐陽治李則禹廖彩文朱振新等鬻材伐石構甍鳩工依舊址而恢闊之由山麓砌石為級前為門樓中正殿後寢室平以磚石繚以周垣繪彩鏤刻堅緻閣麗肇工於乾隆四十年七月月中旬以是年冬月告竣復將南極菴等處租穀共三十石入廟以為祭費 段志

嘉慶六年詔列入祀典四川通志歲春秋仲月致祭春二月三日秋諏吉日遵義府志云每歲以二月初三誕日為祭期秋以欽天監選定吉日為祭期本縣黃志云秋祭八月十八日春祭日與各志同呂志云咸豐六年詔升中祀春秋仲月卜吉致祭二月初三誕日特加告祭光緒末年祀廢 新增

羣祀

在城隍廟清乾隆二年知 奉 上憲頒文

坎離宮
即離明祠俗
亦稱火神廟

舊在城隍廟後觀音

七年宋廷
禎拓修戲
樓并走廊

致祭

羣祀

在署右西
湖左岸

龍神祠

舊有祠同
治十三年
邑令沈芝
林培修


祠兩廊後
每歲春秋由
知縣致祭祠
舊有聯云管
於上雕龔領
一湖煙水

富順縣志

卷之四

廟壇

三



畫檻爽淨
空明一覽
湖山之勝
春秋觴詠
眺賞為佳
夏晚荷香
納涼尤勝
邑人公私
讌會多集
於此後以
局所叢錯
廢

每歲春秋由
縣致祭

羣祀

川主廟在縣署後

創自清時
邑人請於
官以三清
殿隙地拓
其基地同
治十三年

邑人田芝
春等倡募
增修

附考屬

邑拔貢榮天寵大覺寺川主辨

蜀神靈於蜀蜀人
崇祀至於今不貳莫

如川主川主者隋嘉州太守青城趙公昱也聞蜀志
公嘗從方士李珣游煬帝時徵嘉州守州有蛟害公
被髮仗劍入水屠蛟時佐公者七人七人沒公持蛟
首出害遂平七人者封郎官一眞君一眞人五獨公
唐太宗朝封神勇大將軍廟祀灌口明皇幸蜀晉封
赤城王宋張詠治蜀蜀亂詠禱公得神助亂定事聞
封川主妙道眞君按魯語先王制祀勤勞定國法施
於民能禦大災捍大患皆在祀典祀之亦固其所願
當世言川主者率稱秦李冰父子考司馬遷史記班
固漢書漢河渠志並灌志冰在昭王時守蜀鑿離堆

富順縣志

卷之四 廟壇

三

平瀾岸穿內外二江其子二郎佐冰箸六言以治堰
銘二語以誓水沈石犀五石人三以壓水怪鎮江流
元至元封冰聖德廣育英惠王子英烈昭惠顯靈仁
佑王國朝雍正封冰敷澤興濟通俗王子承績廣惠
顯英王皆未封川主也後之人不求有據率以彼而
易此意者據嘉志公廟灌口遂曰爲冰耶否則又神
仙綱鑑第五洞天諸真人云後之公卽前之冰遂滋
附會耶不知灌之有廟以公常居灌之青城今灌治
南有山曰趙公以公得名故祀公至所云卽公卽冰
類涉虛無果有之孰見之又烏從知受封事甚詳志
繫川主於李書缺有間而蜀志載公受封事甚詳志
作古通儒辨其爲公又甚悉是蜀人於冰父子之功
例宜祀而川主之爲公不爲冰固確有明徵也日者
傅子啟賢等以公像在寺始自吾族叔祖爾志公歷
年旣久像弗新乾隆癸丑因募里中好善重繪公工
成請記予維蜀自神禹導江後克以水功著者公前
有冰冰前惟開明氏然開明氏劈巫通峽冰鑿山穿
江要皆率所固然初無怪異難行之事周官壺涿氏

以象齒牡棹殺淵神事亦云奇究未聞入水斬蛟也
公勤勞施法有其民不有其身為吾蜀禦災捍患代
有褒封至於數千年後數百里外荒郊一刹無不酬
庸報功仰聲靈而崇禮祀詎非功居其極而歷世者
愈遠運際其隆而慕義者愈眾與予故亟為辨正以
質世之考古者

案文內漢河渠志一語蓋沿通志之誤當作史記河
渠書又上巳云考司馬遷史記則此語可刪元至元
當從續文獻通考作元至順元年文內所云蜀志四
川通志於外紀門錄王果葬墮棺李德裕令新繁開
湖二事皆引其書是所云辨川主甚悉者當必為纂
輯通志諸人所及見乃考通志僅於成都人物仙釋

富順縣志

卷之四 廟壇

三

類列趙昱引柳宗元龍城錄為注未及宋封號山川
類灌縣趙公山下始有此語亦無辨川主為趙昱非
李冰之文全蜀對於趙昱專祠通志祠廟類僅嘉定
府城九龍山一所嘉定職官題名政績兩門均無趙
昱之名與昱守嘉時事祠廟類成都府川主祠下云
在府城西南祀秦蜀守李冰雍正五年勅賜封祭注
云詳見祀典各州縣多有之祀典類但有李王祠而
無趙昱與文內蜀志云云適形其反是四川通志業
不以川主為趙昱又遵義府志壇廟類載高巖川主

廟一重修於崇禎四年陳盟撰記則敘其爲李冰一
重修於乾隆三年知府蘇霖泓撰記則敘考蜀志川
主之神爲隋嘉州太守趙昱一如榮所云云而記前
正文則云廟爲唐貞觀八年創建祀蜀太守李冰及
子二郎乾符中補修自後無考又引康熙二十四年
舊陳志稱一云二郎廟祀蜀郡守李冰歲以六月二
十四日是鄭莫兩君亦不以川主爲趙昱竊榮所力
爭者在趙之封號有川主明文而冰歷朝封號無此
二字但遵義高巖川主廟旣建自貞觀八年則川主

富順縣志

卷之四 廟壇

古

之稱明爲卽沿曩日趙封川主尙在宋太宗淳化後
而冰廟之稱川主則在唐太宗初年川主繫封爲趙
之所獨有而川主稱名則全蜀對於李冰之所同然
不得以彼廢此卽遵義舊志言一云二郎廟一云者
或有之詞固不得以此而沒其本來之稱號也且以
川主廟而一云二郎愈見川主之屬李而不屬趙又
通志所載祠廟記文宋仁宗康定時張俞蠶叢廟記
謂蜀人獨神冰之廟祀英宗治平時宋祁文翁祠堂
記謂蜀人之廟食千五百年不絕者秦李公冰漢文

公翁兩祠冰爲蜀鑿離堆故侈大房殿歲擊羊豕雉魚伐鼓笑籥傾數十州之人人得侍祠奔走鼓舞以娛悅神祝孝宗淳熙時張纘韋公祠記謂秦蜀守李冰鑿離堆避沫水之害溉田以億萬計相與尸而祝之者今環蜀境是宋以前川人家尸戶祝者皆在李冰初無一言及趙隄堰類明嘉靖陳鎔鐵牛記並有冰仕秦有功於蜀民德之所在血食號曰川主云云是一錫封川主一號爲川主雖名實易淆而全蜀之所廟祀固號爲川主之川主非錫封川主之川主也

且趙昱川主之封號文獻通考續通考均不載眞宗咸平三年王均亂蜀雷有終以濟順王張亞子效靈誅賊聞眞宗詔改號濟順王修飾祠宇馬通考具載其事使當時張詠果有此請太宗果有此封馬氏甯得不載此可疑者一通考稱神宗元豐六年從太常博士請神祠加封初封侯再封公次封王先有爵位者從其本神仙封號初眞人次眞君定制雖在後來奏請必援成法趙在明皇時已封赤城王又先封將軍先爲太守張詠甯得不知朝廷何以不從其本有

之爵位改號褒封而以妙道真君錫命與張亞子神
號事同封異此可疑者二詠再知益州在咸平五年
後王均之亂已平所云蜀亂禱神得助必李順搆亂
時事詠傳載順時民間訛言有白頭翁午後食人詠
謂妖譎之興沴氣乘之止之術在識斷不在厭勝亂
未定而以祈禱聞亂既定而靈佑請何其與所言
大相違反此可疑者三李冰則偽蜀封太安王又封
應聖靈感王宋太祖開寶五年詔修廟七年改號廣
濟王歲一祀一一具載通考綜覽羣詭趙當日卽封

富順縣志

卷之四 廟壇

三

川主亦無害李之爲川主况所引之孤證又未必果
確證乎

羣祀

城隍廟

在縣署後北街

清三次

俯臨城郭隔江諸峯環列如朝拱然

修建屬

清康熙八年里人李覺慧修乾隆二十五年知縣熊
葵向重修撥中巖寺田上段入廟有記 段志 咸豐九
年闔邑紳民募眾培修同治三年落成有碑記 呂志

附考屬

節錄邑人李覺慧記

吾邑自歷甲申難百里無煙
蘭播山箐中歸來披荆芟草隨蛇蹤虎迹入時城中
居民十三家雖居街市終日尚有不見面者北門至
水井街一帶久成虎穴本廟基址鞠為茂草殿角廢
廡亦難辨認慧率叔姪二人持強斧勁刀砍入始見
金身於瓦礫榛莽中慧心惻然始募眾修理越五年
幸逢署任李侯鄉約王茂魁王愛臣相繼重修泄任
縣主宿壇祈禱朔望瞻拜始有舊制慧老矣恐早晚
瞑目謹述始末俟後之鼎新者

節錄知縣熊葵向記

城隍名見易泰卦古無其文唐
稼書云春秋祀於壇朔望祀於廟京畿及郡州縣皆
有神以主之癸酉冬余來富邑始謁廟覓棟宇將頽
思改作而力未能至戊寅調署彭山鬱鬱抱歎去已
卯仍來富順爰度地勢闢狹為闊撤舊址而新之自
屏牆至頭門儀門於正殿左右建立十殿東西有樓
更立後殿又撥東林寺趙家嘴富家壩三處田以作

富順縣志

卷之四

廟壇

三

朔望焚獻之費但事無有成而不毀者因書本末以
俟後之泄治斯邑者焉

每歲自春秋二仲附祀神祇壇外厲壇祭日設位主
祭水旱祈禱官司泄任皆特祭焉

羣祀

厲壇

祭無祀鬼神

在治城外
北郊縣稱

每歲春清明
日秋七月十
五冬十月朔
日用羊三豕
三飯米三石
致祭先期三
日主祭官詣
城隍廟讀告
文禮畢陳設
城隍牌位於
壇上設無祀
鬼神牌位於
壇下左右相
向承祭官就

駱公 羣祀

祠

初祀於北關城樓繼改設縣署內與望湖樓連最後遷讀易洞右船房

富順縣志

羣祀

昭忠 祠

祠

在讀易洞薛翁祠右

卷之四

廟壇

三

位一跪三叩 詣城隍位前 跪獻三爵興 復位一跪三 叩禮畢雍正 九年添設飯 米共九石

舊有聯云 西蜀需治 協辦大學士 駱秉章

漢諸葛以 還誰推繼 起南粵是 名臣故里 自海忠介 而後又見 先生

咸豐時知 縣凌樹棠 增構船房 迴廊後凌 以殉節西 陽邑人即 廊為位祀 之同治四 年知縣祥 麟增龕位 附祀瀕役 殉節汎官 楊清璽及 殉難諸人 並拓板橋 甚為虛敞 復飾屋宇 環抱之

羣祀

東嶽廟

在縣西北
一里馬腦
山下中巖

羣祀

古稱惠澤廟

金川廟

在縣西一百里
白流井鹽廠中
道光七年
改建鹽水溝

明時建

清修三次

鹽法志引
圖經云在
監郭下蓋
明以前廟
址

附考屬

富順縣志

卷之四 廟壇

无

段志引九域志云鹽井神也王姓晉太初間井圭梅
澤見石上有泉飲之鹹遂鑿石百尺泉上出煎之成
鹽後並祀之廟明時建國朝康熙四十年重修黃志
云今廢道光七年邑人王森禮李世綸等買地鹽水
溝募眾重修敘州府志云光緒七年紳商捐資拓修
又云咸豐八年總督王慶雲奏請封號并定祀典禮
部議如所請內閣擬進殊筆圈出金川王封號普惠
梅神封號普護光緒七年總督丁寶楨奏請賜額加
封欽頒有孚元吉四字封號由禮部議未上又四川
鹽法志引九域志云鹽井神僞蜀封金川王梅澤夷
人在晉太康元年宋孝宗淳熙中封金川為永利侯
梅為通利侯案晉無太初年號九域志云晉太康
元年太康為惠帝年號則段志晉太初間當是晉太
康之誤

倉聖廟

在文昌宮
下晏熊祠

自此以下皆
民建

禹王宮

在縣署東北

楚省和樂附

亦名十聖廟以坐傍

明隆慶年間建副使

相傳為秦惠王時擒鼈治水有功廟坎

土主廟

在治西北西湖右

甘敬修有記崇禎八年

下為馬門口立神像五

神像有十故也

述中重修參政劉之龍有記不傳

附考屬

清知縣劉上駟詩

重構三山宇方堪安十靈擒鼈功未朽治水績宜銘民出蛟螭室神

富順縣志

卷之四

廟壇

三

安俎豆馨迄今忘姓氏報德溯秦廷

上段志

案廟之緣起甘劉兩記不傳僅十人擒鼈治水見於

舊載至有十聖廟之稱考廟中神像旁列者乃十人

中一像縱目服用王者冕旒始為廟之正祀舊志但

計十人並以之名廟而置中座不言名實乖違頗嫌

舛誤竊意冕旒之尊非凡神像皆可服用華陽國志

云七國稱王杜宇稱帝杜宇教民務農一號杜主今

巴蜀民農時先祀杜主又云杜宇時有水災夫民可

務農則水災已平可知古棠書屋叢書歷陳杜宇治

水之功及辨下淫化鳥各說之妄當時由郫縣申道
 府轉詳院司奏請立案言今蜀人稱杜主譌曰土主
 蓋杜從土得聲以音近而譌犍爲縣志土主廟亦主
 是說舊志相傳云秦惠王時治水秦惠王乃蜀亡之
 時固不以水災聞意十人治水必當在杜宇之時常
 志明文可爲印證十人當日治水均有勤勞而奠父
 之功自以主治爲首又教農施澤本爲人所難忘故
 正位居中奉爲祀主並以之名廟因而譌杜爲土也
 其縱目則傳記未聞或因杜宇之先蠶叢縱目以致

富順縣志

卷之四

廟壇

三

此誤聞疑載疑焉可矣

藥王宮

在治東北清光緒二
 由城隍廟十八九年
 前直下下間藥商釀
 近城垣金創建

薛翁祠

舊在西門清乾隆四
 外後廢移十一年丙
 祀讀易洞申知縣段
 與宋李見玉裁創建
 二主並列洞下附四
 賢祠祀杜
 少陵李太
 白蘇東坡
 陸放翁

附考屬

節錄知縣段王裁碑記

嗚呼古之君子惟其學之可傳其姓字可不傳也其居游

無定所也其託業無定也王裁於富順宋薛翁有感焉考宋史隱逸傳伊川程子語袁滋曰易學在蜀蓋往求之滋游蜀無所遇久之遇賣醬薛翁於眉功問與之語大有所得然不傳為何語也繼讀東萊呂氏撰薛常州誌有云袁道潔聞蜀隱君子名物色之莫能得未至一郡有賣香薛翁旦荷笈之市午輒扃戶默坐視之意象靜深道潔以弟子禮見且陳所學叟漠然久之乃曰經以載道子何博而寡要也與語未幾復去宋史云眉功問呂氏云至一郡皆不定為蜀之何郡縣最後讀浚儀王氏困學紀聞云譙天授之易得於蜀夷族曩氏袁道潔之易得於富順監賣香薛翁故曰學無常師宋之富順監即今富順縣也王裁備員茲邑景慕薛翁之高風訪求懿迹莫有能舉其人者因設祠立位以祀之祠既成王裁敬為文刻諸石系詩以告來者詞曰岐江湯湯雒水泱泱江雒之間先生賣香岐江如矜雒水如佩先生之靈此焉

富順縣志

卷之四

廟壇

三

終晦空谷有蘭馨不求聞深山有松歲寒蓋益先民有言傳聞異辭清風作堂皮傳堪吹商瞿魯人而或以為蜀賢惟桑與梓弗知恭敬焉堂階轍轍庶士攸跋江雒長流易學在是四川學政南匯吳省欽隆昌知縣朱雲駿邑人李芝各有五古詩一首又薛士龍浪語集袁滋作袁慨

旻熊祠

在第一山麓

清光緒乙倚山面湖祀邑明翰林西丙戌間池館樓臺旻振之熊叔邑人郭昌極曲折幽仁



附燕胥堂

清光緒丁亥由簡伯建廳三楹歲以孔子文左右石贊昌誕日集同

一名文
成草堂

在晏熊祠
左

璋陳崇哲小池各一人致祀堂側
十八人所高朗幽靜有碑陳崇哲
結文成社為晏熊祠撰序簡伯璋
捐貲創建之輔撰銘

張公祠

在治北後
廢

祀明知縣
張濤

附考屬

節錄尙書李長春記

邑侯振海張公任事六載治行
高等召入為工科給事中踰年

矣邑摺紳大夫諸生吏民環向粹嗟而歎曰疇復有
崇潔廉嗜淡泊視身如公者乎始公捧檄而西行李

富順縣志

卷之四

廟壇

三

蕭然塗人不知為墨綬甫下車齋宿而盟諸廟所不
絕苞苴惜膏脂者有如此水故事登堂則盛供張入
室則麥器用公悉戒勿費僅取代匱而止居恆緦袍
革履食脫粟飯帷蓋雖敝弗易常夜宿田家藉藁至
旦諸所節縮即寒酸猶難何論肉食已又曰疇復有
察疾苦籌利弊字民如公者乎邑患賦稅不清猾胥
巧於飛灑公素精算法每按版籍手自指畫必令圭
撮抄忽兩無所爽人不得緣此為奸利解納例徵奇
羨公秋毫無所取民近健訟則贖緩充斥公於情實
者文致者以片語剖判之辜者伏息者聽終不輕罰
一金邑非孔道郵傳弛而多弊公審當役者籍其名
次置之袖中魚貫而發雖旁午不紊已又曰疇復有
馭下嚴與人周遠嫌如公者乎公初至誓吏胥於庭
爾曹據縣如負嵎壅令如湯竈羣不逞之徒伏翼而
燎之於官民何有聞者皆斂手結舌無敢違約束士
大夫蚤暮造請無倦色無窳詞各厭其意而去常戢
關者令編氓闌入毋禁得匍匐几案白事邑產鹽鹽
有司率視為奇貨公上狀所部請以抽抵驗放屬之

饒使時令抱關議察之有司第稽額課逋否以難勤
情不得復事嘗省竟公在事羨金錙銖不能污公復
條上言 益地法宜寬寬則利饒而樂為廬行鹽地
法宜 則弊祛而課足請罷邑之抽驗徒而之
每歲額課令其代為徵解議雖中格識者題之又曰
疇復有倡經術釐文體造士如公者乎公初試諸生
文歎曰尺幅弊矣無甯易而奇繪乃取樸者雕鏤之
質者藻繪之淺而令深平而令之既渠護曠然一變
入殼者遂倍曩時公每評隲文詞某當最某當殿悉
如其言土皆蒸蒸競爽已又日疇復有憂災沴竭精
純回天如公者乎比歲亢旱者三公每禱必步每額
必泣不憚剪爪割膚為民請命樹兩立應最後乘欵
段屏驪奴巡行郊墟所至延見田叟野嫗問焦枯計
騰踊若家人父子然軫未旋而雨徧山谷先是公被
徵以行士民遮道揮涕送者空其城野長老詫為二
百年所未有也知公方出入禁闥為天子耳目臣非
蜀人所得有也博士羅君蔣君王君聞之召諸生語
曰邑令向無專祠無豐碑微獨里俗樸也三代遺直

富順縣志

卷之四

廟壇

西

於是乎在今百雉之外一畝之宮儼然俎豆而崇報
之非託史筆勒貞珉奚以昭不朽乃謁不佞於里第
述前語為請曩公上計還楚無以克蜀道裝齋舉脂
田鬻之乃六載縣署日與僮僕同甘苦食客有遇者
惟壺餐相勞顧貞不絕俗清不炫名內無町畦外無
魁岸以和飲人而意自消真卓然有道仁人也謹書
之曰皇明富順治平第一賢侯張公紀政述思之碑
用為百世勸公諱濤字原裕號振海楚黃陂人起家
萬歷丙辰進士

滿公祠

在治東武廟前大巷內宣統時廢

祀康熙時知縣滿雲鵬附祀乾隆時知縣蔡成輅和熊蔡向三人

陳公祠

在晏熊祠前院

光緒二十年

祀知縣新城陳錫

土地祠

在治署儀門外舊為賓館於迎

明萬曆戊寅知縣秦可貞改建於迎賓館後南面祠宇兩間清康熙十年知縣季友重建

原無祀期邑令熊葵向以十月二日為福德誕辰自是闔署依期致祝

龐士元祠

段志云在縣東一里黃志云今廢

富順縣志

卷之四 廟壇

三

忠義祠

在縣東七里童家寺

清同治七年經御史趙樹吉奏請敕建

祀李逆之亂死難諸烈士鄒新鏞許海珊蕭基渭王槐濱喻允忠等四十八人祀光武微時在江陽所生子見華陽國志今無考

帝子祠

附考屬

節錄南匯吳省欽漢光武江陽兒祠辨

漢光武微時過江陽有一

子望氣者言縣有貴兒氣王莽求之縣人撩殺之後世祖為子立祠於縣謫其民不冠帶及罰布數世見於常氏酈氏之書而樂史謂祠在方山者也光武九歲而喪南頓君二十八而起兵觀其勅吳漢夾營

語洞如指掌疑蜀若舊游者然下詔自征公孫述僅
次長安少時勤稼穡弱冠後之長安受尚書性又素
謹厚其過江陽非游宦地又未必有如陰麗華者之聞
穡時事江陽非游宦地又未必有如陰麗華者之聞
於時間關跋涉壯夫不為蕩子不為其誣一光武起兵
以于午十月明年九月莽誅光武尚臣更始莽即患
光武何不祇購光武而購區區數千里外之弱子殺
之其誣二狹邪私孽行迹已秘既貴後人每諱之光
武果有是兒人何由知莽何由購業購之殺之事蓋
無如何矣何自為之祠以揚其惡其誣三續漢郡國
志江陽注引華陽國志曰江雜會有方蘭祀蓋方山
蘭祠之謾光武即位十九年始為南頓君立皇考廟
鉅鹿都尉皇祖考廟鬱林太守皇曾祖廟節侯皇高
祖考廟所在郡縣侍祠蘭祠而為是兒立也其立之
於考廟之先耶則理太舛謂立之於考廟既立之後
則泉鳩之痛久可已矣其誣四漢書郊祀志著秦以
來迄王莽典祀或有未修而爰居之類眾焉世祖中
興蠲除非常修復舊祀是光武即有是兒江陽人即

富順縣志

卷之四

廟壇

美

為兒立祠光武猶將毀之而何自為祠也其誣五范
增言沛公有天子氣蘇伯阿言春陵有佳氣其後率
皆驗兒果在襁褓中被戕其氣恐亦蕭瑟矣其誣六
自莽居攝後劉崇翟義劉快皆起義兵而臨淮瑯琊
荊州綠林平林所在兵起江陽人縱不能如健為士
大夫之拒公孫述而為光武所嘉何遂承奉莽旨取
卯金氏之子而殺之惟恐不早其誣七光武豁達大
度其嘉健為士大夫褒卓茂祇以激厲為名誼而反
側子且令自安江陽人即殺兒不過一人或一家之
咎乃胥縣之人而腹其生襦其服雖秦隋之興不為
此其誣八夫以若此之誣而志地者無不信之或由
建安十八年劉璋以健為枝江都尉改立漢安縣其
地即前漢之江陽而莽嘗封安漢公後人疑莽食邑
於此欲甚莽之惡而不覺其誣光武也是又未敢信
也

案段志帝子祠蘭祠二條均云見華陽國志今無考

但常志明云江雒會則己不在縣境而蘭祠繫之方
 山又歷有明文茲故據段志吳省欽序及通志山川
 類於蘭祠一條從刪 又吳辨末謂人疑莽食邑於
 此直以安漢為漢安已牽混無理且安漢乃賜號非
 食邑元帝紀云羣臣奏莽功德賜號安漢莽傳云故
 賜嘉號曰安漢公吳氏既淆漢安為安漢又誤賜號
 為食邑故附辨于此

水神廟 在治城南門外新街口

舊載蕭公廟鋪房五間前地基抵河

富順縣志

卷之四 廟壇

七

附設濟倉

萬壽寺 在治城東門內

唐天授元年建武後
 在唐中宗時
 宋元因之
 明洪武二年
 年重修為
 朝賀習儀
 所賀習儀
 康熙時
 知縣劉上
 駟重修同
 治五年知
 縣祥麟宣
 統元年知
 縣熊廷權
 均培修

附考屬

節錄知縣劉上駟序

臣每逢祝聖之朝亦切持香之念常願卜年卜世比聖壽於恆

沙永期文子文孫鞏皇圖之法界又七古詩一首節略我宰富邑值已年我愛此寺無腥羶祝聖餘閒偶瞻眺琉璃火斷爐乏煙鐘破無聲臥野草殿漏積水生苔錢剝極則復理可信忽來衲子名自然發心修葺募大眾樂施多夙緣我亦感動生歡喜捐貲與民作福田

天后宮

在治大東門內

清乾隆二十六年知縣熊葵向建

附 閩省和樂祠

附 贛省和樂祠

萬壽宮

在治城西關內

創自前明清道光間歐陽偉增修同治八年偉子舉人歐陽文

富順縣志

卷之四

廟壇

三

俊復葺新之

南華宮

在治東與城垣近

清光緒戊子年培修

玄天宮

在治西北西湖右

清知縣熊光緒末就蔡向率醫廟後添建學陳仁鵬公園雖花首監生方湖卉無多頗等補修具一覽眾低之概

一名元妙觀

三清殿

在治署後

宋淳熙間建明洪武中設道會景泰二年重修清乾隆五年鄧

井關通判
盛暹倡眾
重修

附考屬

節錄舉人華嶽靈募修疏

竊惟三清觀者俯臨邑署
斜枕巖宮乃縣治之後山

亦膠庠之輔佐先民叛建歷年久而棟漸崩前令重
修間架宏而功未竟幸逢盛公祖取形家風水有碑
之說謂無者創之而律不容有者舉之而禮不廢復
茲古蹟豈為福田鳩爾眾工補茲缺典又周士誠有
避暑五律一首均段志光緒末年改修警察署遂廢

觀音菩薩寺

在治城東北正街

唐天授間
建元至正
八年重修
明洪武二

富順縣志

卷之四 廟壇

完

×

十年萬歷
三年均重
修清乾隆
二十年知
縣熊葵向
重修

附考屬

節錄熊敦誼記

是山舊有寺及閣創自唐天授間奉
勅賜額閣高七丈許方廣半之閣前

有天王殿後有無量殿乃子曾大父諱仕廉介菴公
捐金創者故予家自弘正來伯祖蜀進士河階守乳
泉公諱載從伯進士公安令兌湖公諱遲進士祠部
南沙公諱過予父進士御史南墩公諱迴伯兄蜀進
士健堂公諱友麟進士太史朝列陸海公諱敦樸皆
自童子時從師偕友肄業其中隆慶壬申季夏一夕
同祿殆盡即鉅鼎大礪皆齎粉無存惟釋伽藍神之
像安坐烈燄中予至自錦官睹茲大概適予父執王

賓湖公棟來謂余曰子揮霍士也何以處此予應曰
 山神不燼意將重興此刹乎哉儻予先大父創殿石
 碣尚存隻字子當矢志為光前計翻灰土卜之見有
 石片廣尺許列會大父仕廉及原任邑魁郭擬當李
 嵩姓名予遂禮神期復故刹王又曰無量殿舊懸有
 爾曾大父滇中造回木刻金龍喧傳同祿時龍首飛
 於子宅子知之乎回驗果見金彩依然適陸海兄解
 館西歸遂同白之邑侯麻城劉公大宇俞允印記次
 募於蜀王及其中官共得二百金陸海兄又捐銀穀
 百金然後募邑士民得銀米布疋木植等項亦可近
 百總四百餘金委寺僧興作十數年來僅完一閣高
 廣止舊之半前後兩殿亦結構甫完陸海兄謝人間
 事未及留記予不獲已勉紀其興創歲月萬歷壬申
 孟秋月

玉霄觀

在西關外

雲峰夕照山舊有廟清
 為十景之初移文昌宮
 一於此邑編修
 晏昭記畧云

富順縣志

卷之四 廟壇

四

邑城西關外
 有山北來疊
 天矯之游龍
 忽臨江而昂
 首山之嶺創
 玉霄觀觀前
 卽帝君之祠
 每聖誕邑令
 率紳士商民
 焚祝其中乾
 隆丙申文昌
 祠移鍾秀山
 觀內惟佳女
 尼

三元宮

在西關外

乾隆初年
 募建名三
 官堂嘉慶
 庚申培葺

改今名同
治辛未培
修二殿

興教寺

在西關外
三元宮後

舊有廟明
正統二年
重修李逆
之變焚燬
殆盡止存
柏樹一株
下殿山門
光緒末年
重建
並有鐵佛
一尊

附考屬

節錄明周雍記

寺在縣治西其興廢不知何時惟存

德相與惻然議重修之遂捐貲復募因舊址構正殿
中外凡一十六楹高四丈許深三丈有六尺廣倍深

富順縣志

卷之四

廟壇

聖

之四尺通計用銀二百兩有奇經始於正統丁巳之
季春訖工於戊午之三月己酉日也
清知縣錢紹隆各有七律一首
明知縣孫瑀

中巖寺

在縣西北唐時建
一里馬腦山下

宋淳熙朝
御賜中巖
二字題額
內有銅佛
一尊高一
丈三尺八
寸座下蓮
臺外銅內
石

附考屬

節錄邑進士萬世緯記

中巖者吾邑風水之山也李
唐時始建寺閣宋元至明而

勝概乃著邑城枕山之脊則中巖為邑龍蟠結之府左護北巖右鄰興教甲申兵燹山寺與縣治俱罹劫灰游僧歎息過客沈吟時無道安詎易觀擅溪之鼎復耶壬寅秋嗣祖比邱書雲諱傳昂者自天峯山卓錫於此慨然以興復自命內捐衣鉢之資外任開墾之力丙午冬修葺上下兩殿甲寅夏暨立左右僧寮計所開墾田地自羅浮洞抵本寺山前為界丈糧一升三合定納正賦永除差徭載在邑冊此丈糧令君楊岱毓諱種珠治邑之善政也天下士能行善政者獨岱毓也與哉凡賦佛種而現宰官身罔不好作佛寺植山水者也則寺僧之蒙寬恤靡有窮期矣明邑尚書李長春有宿中巖寺七律四首又訪天峯和崇階有步李棠軒郎長春韻七律四首又訪天峯和尚七古一首清知縣季友王令樹各有七律一首錢紹隆有七律二首天峯釋書雲有中巖山居七律一首以上段志

又輿地碑目中巖普覺院天禧丁丑賜院名康定二年翰林學士李淑撰記名勝志中巖以北巖山居左

富順縣志

卷之四

廟壇

三

馬腦山居右此居其中故名唐咸通中依巖刻大佛宋初僧自悟架屋三百楹賜名普覺院藏兩朝宸翰後林靈素毀佛法欲壞其像圍繞鑿之不損乃以泥覆之罷禁將水洗去依然如新以上通志

資國寺

羅浮洞一曜建宋太秋涼冬如

一里旁有三年僧德深廣夏如平興國二春煥士大年明洪武夫多游焉六年均重北洞春秋修成化九列十景之漢石像清羅一光緒中疊次培修

附考屬

節錄明邑舉人萬鈞記

富順邑治之北陬有寺曰寶

建立宋初太平興國二年僧大本造石像開寶七年
僧普智修羅漢洞逮元季兵燹基址荒蕪至我朝洪
武六年僧覺明重修正殿寺之旁有石洞深五丈廣
四丈高二丈有奇幽致爽闊清涼可愛內有羅漢像
大者十八小者五百五十四歷歲滋欠苔蘚蒙翳傾
頽剝落者十有八九一日前翰林侍讀太常寺少卿
李本偕義民余劍往游於此相謂曰此地為吾邑勝
境往來名公鉅卿文人墨客游賞於此者輒盤桓笑
傲移日不去況本寺修造釗之工居多羅漢像零蝕
大半何以壯勝概而聳觀瞻乎於是命僧率眾捐貲
鳩工伐石易舊為新盛事底成不可以無紀遂書以
壽諸石成化九年仲春記
宋知監周延儒有五古
一首段志又瑤池宮半巖有王詠刻壁記唐碑不一
僅辨大歷年號餘剝蝕不可識矣

炳靈祠在縣南浦書臺右

富順縣志

卷之四 廟壇

望

奎星閣

舊在治城內聖廟前道光中移道門左嗣乃改隔江之掛榜山

五顯廟

在縣治隔江之南岸

遵義府志引靈應集云神以五名即金木水火土與天地相為本始又專司火政

同心觀

在縣東二頂平曠處建塔旁有小刹段志

富順縣志

卷之四 廟壇

四

東山寺

一名雲隱禪寺
在縣東隔江三里

云今廢
佛尚存
志云乾隆
年間署令
程煜重修
邑舉人李
長笏有記
乾隆年間
四字据山
川類增邑
舉人六字
据呂志文
苑增

邑清孝廉王
懋仁有七言
詩一首

天符祠

在縣西四里

南山寺

在縣西南段志云今
廢黃志云
禪寺里墩
据呂志

全重修
明時建依
巖架屋故

臨江寺

一名半邊寺
在縣西五里

明時建依
巖架屋故

明四川巡撫
會省吾有五
絕一首蓋知
富順縣時作
周麟有同友
人迎春飲臨
江寺七律一
首段志明知
縣柯守白有
秋九月游寺
洞五絕一首
陳遴璋有跋
新增

聖燈寺
在縣西五里聖燈山

通志寺觀清邑人李姓
類云嘗有有游聖燈寺
燈出煙霧五律一首
中初一炬
忽三忽五
俗謂之聖
燈又則封
城甯謚年
歲豐稔

升澤廟
在縣西十
五里蛟角
灘右岸

宋政和四
年建明永
樂元年知
縣楊忠重
修清乾隆
五十四年
知縣潘邦
和重建

富順縣志

卷之四 廟壇

巽

附考屬

節錄明教諭周齊已同判簿李太清訓導蕭湍祈雨

有感序天順四年自春迄夏不雨田疇為之乾坼桑

侯太清視篆方月日不暇飲食夜不遑寢處四月庚

午命設壇於邑之元妙觀率僚屬與庶民耆老齋戒

徒行雨謁升澤廟請禱子等亦與焉祝册之餘神物

遄現恍若蛇虺長不滿尺具四足身凝青碧背引金

絲蜿蜿於廟宇之東壁墜地出外而復來者再眾皆

異之太清曰此正所謂蜥蜴也胡為乎來哉乃以扇

取命左右置瓶中用靈湫水覆以柳枝使童子歌云

雲四布雷電交作甘雨隨至夜二鼓少止及四鼓又
降人皆喜其誠所感而侯尚不滿焉且曰數月之旱
得一宵之雨不過滋潤而已烏能足耕乎丙子徧設
壇於文昌祠不輟祈禱又三日庚申疾風自西北起

迅雷從東南震膏澤綿綿漸而不驟經宿乃止周視
 溝澮皆盈翌日乃領僚屬送蜥蜴於升澤廟開緘再
 視但見瓶水已空蜥蜴不知所適矣侯之精誠神之
 變化如是宜乎摺紳士大夫繪圖以頌子忝同事目
 睹斯異因眾之請遂忘其固陋敘次始末復集所繪
 圖并紀士大夫之歌詩刻之於石以垂永久云 志

節錄清知縣潘邦和重建記
 富順去城西十五里有
 廟建於宋政和四年葺於明永樂元年經明季兵燹
 悉為煨燼惟豐碑尚屹立焉余官富順之三載當乾
 隆五十四年歲己酉夏旱禾焦子心感焉父老為言
 天順間判簿李君太清兩詣升澤廟故事乃恭捧香
 帛詣碑所拜畢其上即有片雲正黑疏雨隨灑是夕
 甘雨大霑終夜不止越日復然父老歸余之誠而余
 歸神之靈也於是進父老而告以重建僉曰盛舉也
 唯命則經營為堂為階為門為垣廟成肖像以祀是
 役也籌費者權縣丞沈君文玉鳩工者縣尉戴君廷
 綸其樂輸姓字備載碑陰黃志

富順縣志

卷之四

廟壇

巽

普門寺

在縣西二里
 關 正統八年建

倚書甘為
 霖顏其坊
 日榮江勝
 境

黃志云今廢

斗牛寺

在縣西二里
 關 鄧井

葉山寺

在縣北二里

石殿三層清邑令段玉
 僧覺然植栽有七絕一
 柏千株遠首
 望蔥蔚近
 秀巖場

團標寺

在縣北二里

清康熙二
 十年湖廣
 副總兵邑
 人余化龍
 咸同後疊
 次培修客
 舍丹寮均
 清雅整潔
 道人苗理
 嘗游寓於
 此相傳有
 靈術為縣
 中方外

捐修鑄銅
佛入尊并
地施常住田
嘉花美卉之最
娛目可人
紳宦勝流
多載酒來
游盤桓信
宿春夏之
交尤絡繹
不絕

沱灣寺

在縣東三十里近金銀巖

正殿石香廟門雄傑有
爐花紋奇聯云看一水
古鑄明天濤洄何人破
啟年號殿浪望諸峯環
中一池面拱有客凌雲
積可二丈

金鳳寺

在縣東三十里近騎龍場

明崇禎十三年建

祖倉附段志
作在縣東五
十里誤以段
志山川類贅

富順縣志

卷之四 廟壇

三

溪過金鳳寺
云云知之
訪册云近廢

大古佛堂

在縣東三十里近杜快鋪

明成化間下殿有明
建乾隆九時匾額一
年里人鄉上書眞是
天才施田佛場四字
數十畝嘉廟宇三重
慶二十畝左廡大小
年僧道穎花廳各一
重修

近已頽廢

石貢寺

原名小仙掌在縣東三十里石貢山上近杜快鋪

明時古刹明邑尙書
清乾隆三李長春題
十四年己聯云石出
丑里人程懸巖仙掌
爾清熊選動星連平
朝等八人野佛燈來
倡募重碑
廟產數十

佛見洞寺

在縣東三十里

畝

相傳明萬寺地冬温

歷戊午年夏涼明進

有盧姓開士熊師旦

鐘聲中現鑄其額日

佛像因建佛見洞天

宇焉清乾隆九年重

修隆九年重

明成化三

十年建清

雍正七年

重修

明萬曆五

年建嘉靖

四十二年

劉富先宋

廟前古柏廟宇五重勢
頗宏殿正殿
有大銅佛一
尊其高盈丈

華山寺

在縣北三十里

在縣東四十里

十里萬家

坳中和砦

內

即明代報恩寺

中和寺

富順縣志

卷之四

廟壇

哭

俗等募資

寺時所植

坐下蓮臺亦

銅鑄龕前左
右分立銅像
二尊高五尺
許外又有銅
鑄竈王神農
各一尊高可
四尺傳係明
嘉靖丁未進
生山東按察
副使黃瑱致
仕時載運還
鄉供於寺內
至今尚存清
初舒其信施
田數十畝邑
宰為豎碑旌
之後寺僧不

愛天恩龍可

園老幹參

丈大可三


高近七八

寺近七

丈大可三

園老幹參

愛天恩龍可



金田寺

在縣南四里青山間重修有建文帝像

法里人首官
驅逐并將田
產撥充縣城
文昌宮及東
街義渡公用
呂志學校門
云中一和寺
地一四股租
八十四石文
昌宮每年收
四十二石東
街義渡每年
收四十二石

富順縣志

卷之四 廟壇

四

附考屬

明編修劉蒞建文從游十一先生記

嘗讀唐史武德九年事秦王世

民殺太子建成齊王元吉同氣操刃蹀血禁庭未嘗
不廢書而歎也又讀宋史太平興國四年事綱目書
皇子武功郡王德昭自殺一弟兩姪均不得其死悲
夫余竊訝唐宋兩朝諸臣如趙普薛居正房玄齡長
孫無忌等終不能委曲匡救默輔而調停之豈處人
骨肉間有難以語人者與何忍坐視其慘刻蔑倫至
於此極也明永樂元年靖難兵起以周公而奪成王
之位直互古之所未有則成祖行事更出於李氏
趙匡義之下矣余所怪者建文皇帝於大內落髮出
亡至滇之永嘉寺復由重慶抵襄陽入吳游天台雁
宕託足空門蹤迹往來徧天下幾四十年卒能免於
難此其勝於建成元吉德昭者萬萬矣况當是時成
祖密偵備至數遣胡濙鄭和等往來雲貴而建文游
行匿迹於滇黔浙粵吳楚之間安然無恙者為悉考

從亡本末則程濟等十一先生之力居多焉以視
宋諸臣其節概豈不遠哉其為道人也始終保衛不辭
困險婉轉盡死力者則編修程濟也為比邱而陰相
往來隨所之助力者御史葉希賢吳王教授楊應能
也其三至滇者則史仲彬一至者雪和尚郭節與程
亨焦雲也至滇而去復來而病死於蕭寺者馮懷
黃直也密訪師而相遇於雲南道中相對痛哭退而
自縊於亭驛以絕口者工部尚書嚴震也會留宿而
終身不言陰護之於滇者黔國公沐晟也而廖平梁
良玉王資金焦等不至滇者不與焉於戲以文皇帝
之英武嚴察建文之優柔儒儒而行遜於天涯地角
始終曲折以脫虎口自非十一先生盡心竭力委其
身以保護之其亦難矣歷觀古今忠烈名臣炳耀史
冊雖綱常之凜凜實殺身以成仁不則白重其死或
將隱忍存為不屑小節以冀大功耳在當時仁宗宣
宗聖明接武而十一先生獨奮不顧身馳驅憔悴死
相隨於為僧為道必無所能為之君則更奇矣使諸
公而有所希冀則必不能全其君或藏名不深亦必

富順縣志

卷之四

廟壇

季

不能全其身不為功不為名而顛沛流離東西南北
積四十年之久諸公其何所為乎蓋君臣大義誠不
可解於天地之間者所為竭股肱之力繼之以忠貞
諸公有焉余守武陽時登獅山得瞻禮建文之祠與
像想當年跋胡窺尾之凶諸先生悲歌歛泣之狀歷
歷如在目前事隱三百年未有表章之者誠為闕然
吾同友馮甦遺書囑曰建文蹤迹不止在蜀蜀亦不
在吾邑今寺中有像則立諸公之主以配享其旁誠
天理人心所不可少之事也余曰唯唯憶余幼時論
史及方正學草詔號哭每黯然泣下方今桑海屢易
金陵王氣消歇已久而二祖三宗之鴻功偉烈俱
已霧捲雲收土崩瓦解獨建文祠堂俎豆猶新徽型
如昨而從亡十一先生松柏為心風霜其操田夫野
老迄今猶稱頌之勿衰雖當日南游瘴嶺北望天門
備極辛苦而側身天地上下古今孰得孰失不過幾
局殘棋邯鄲一夢為十一先生者其亦可無龍歸滄
海鳳返丹山之歎矣康熙七年僧水谷建閣成仍祠
建文之像於閣因為敘其從亡至滇者十一人題其

主曰明建文從亡忠臣某某之位旁注其姓氏不詳其官爵里邑者明諸公之心願為比邱為道人願死於道路知有君而不知有其官且不知有其身也以余悉覽六朝五代遼金宋元之間大倫不講久矣而有明十一先生忠貫金石名並乾坤若此嗚呼君臣之義豈不在人哉程濟和建文金田寺詩吳霜點點鬢毛侵不改惟餘匪石心作客歲寒應自久避人巖壑未曾深虎龍追逐知心少魚雁依稀遠信沈回首金陵悲往事短筇高岫一登臨明邑尚書李長春有金田寺七律一首長甯尚書周洪謨有入景詩并序不傳李長春又有七絕一首載通志

雙林寺

在縣南四十里

明成化年間建清乾隆九年田峻張旭陽施田重修

富順縣志

卷之四 廟壇

至

一名玉皇觀

南極菴

在縣東四十八里近騎龍場

明崇禎三年建清康熙中里人張錢等姓募貲培葺

正殿有大呂志作近里銅佛五尊石場誤

玉皇銅像一尊銅香爐一銅塔

一名興隆菴

清碧潭院

在縣東四十八里近萬家坳

明萬曆年間建清嘉慶十九年道光十四年兩次培修

廟宇四重輝煌閎敞為一方游覽宴會之地

明秀幽淨山水奇勝

鹿苑寺

在縣東五里青山之麓

亦鄉寺之佳者

龍鳳寺

在縣東五里

有鳳山象麓玉帶泉九龍鑲關仙馬留迹鳴鐘飛獻琉璃水簾銀蛇戲水八景

附考屬

節錄明邑解元周麟記

龍鳳寺在富順沿江而下之節錄明邑解元周麟記五里樞繩柱兄借伯仲輩修世業於此昔龍鳳僧於古井忽得佛像傳事至今鳴鐘飛獻者昔寺僧夢此鐘以飛至之奇自相與語

富順縣志

卷之四 廟壇

五

及寤臨水往視三吼洪聲後取之出而所鑄姓字幽奇滅沒皆莫可辨至琉璃水簾則如九華為天地一尤物樞繩兄里多奇景如銀蛇獻水久載志乘紀之歌什竹崑則有宋狀元鄭清之詩賦清之官侍郎皇明則有解元黃公仕雋與駱公禺并以甲科至侍郎於是傳聞有侍郎溪以三侍郎著名嗣是則進士景公璋章公璠樞繩兄之伯父杜公遶奇與同事毛公鳳苞一時冠蓋若雲共生色於勝地天啟七年丁卯四月一日案段志科第表景璋作景章章璠作章藩與此互異疑此誤又鄭清之狀元無考見段志山川門石王橋記至距縣遠近黃志呂志均作縣東七十里以地望準之似黃呂為確惟周記顯有五十里明文故仍從段志

觀音寺

在縣東五里近戴家寺

有石香爐一座花紋嵌空傳係聶汝受自

江南攜回

肇興寺

在縣東五里近李子鋪

有銅佛五尊各重百餘斤

鹿兜寺

在縣東五里近響石山

有銅鑄章獸像重約百餘斤

定寺

在縣南五里

元泰定年間建明宏治十四年僧如善重

明尚書周洪謨有記不傳

富順縣志

卷之四 廟壇

五

寶乘寺

在縣西五里近流水溝
明宏治五年建

附考屬

明劉用中詔起瀕雲展象山祖墓宿寶乘寺有七律

詩一首曾孫之龍有和韻七律二首并序

曾大父仕武宗朝

僉瀕南臬閻瑾索賂亡所入勒歸田里瑾誅中外交薦世廟癸未之歲前官起家祀二世祖塋於寺賦詩油然而忠孝之思溢於言表家乘偶逸辛丑之龍亦以松楸之行僧出詩覽焉不啻天球河圖蛩然以喜同觀者殿卿弟兒堯鉉洎二三密戚同李大宗伯元甫先生而下咸有詠和以彰盛徽受簡傳之不朽云之

龍識 李長春有和韻七律一首 劉承誨劉之藩
 劉之柱劉堯欽各七律一首 劉之龍七律二首注云
 寺創自宋存石絕奇名揚旛石均依原韻賦和 劉
 大武和韻七律一首并序康熙癸巳春武以展象山
 墓入古寺見楹柱斗拱間懸一塵霧匾額梯視之則
 楚藩伯祖萬曆辛丑見五世祖憲副公遺墨公孫父
 子暨同邑宗伯棠軒李公賦和誌喜詩也今於一百
 一十三年見之恭廣原韻 案寶乘寺似即張市寺
 蓋張市寺有石名揚旛石而劉之龍寶乘寺詩中雲
 護風旛千劫石句自注寺有石絕奇名揚旛石又皆
 在縣西五十里近流水溝足證為張市寺無疑黃呂
 志皆兩載之殆誤

碧雲寺

在縣西五十里

宋淳熙年間建明永樂二年重修

明宋味韶明邑人朱味韶有和碧園幽之句可首勝以想見其

富順縣志

卷之四

廟壇

番

大方廟

在縣西五十里屬九洪場

明天啟時建

古木參天禪房清潔

三官廟

在縣西五十里永年場山麓

廟龕下有清泉自石隙流出甘冽沁人周年不竭場名流水以此

寶旺寺

在縣東五十里近戴家寺

有燕山散人黃葛記暨西廊僧畫像贊

佛堂寺

在縣東五里近桃子灘

有銅佛一尊重約數百斤

祝家寺

在縣東六里距牛佛渡十餘里

廟宇數重幽邃可愛殿前銅佛一尊殿後銅佛三尊有鐵鑄圓燈一盞大可兩圍繚以精花工作面空明置火其中風雨不滅

富順縣志

卷之四 廟壇

五

蓮花觀

在縣東六里屬中興場

四周樹木叢茂夏日清幽遊人此多納涼於

永峰寺

在縣東六里

明時建清嘉慶十七年里人王澤遙王澤遠捐銀壹千餘兩重修

鎮虎寺

在縣東六里青山僧悟倫建峽嶺為縣康熙五十九年重修治白虎故

明邑人陳盟有七律一首

朝陽寺

名
在縣東六十里左有朝陽洞右明崇禎二
有鏡鏡山年建

以志無東字
黃呂二志有
今考童家寺
屬有朝陽寺
右有鏡鏡山
故從黃呂二
志補東字再
下南黃葛巖
有朝陽寺距
城二十五里
下西亦有朝
陽寺距城九
里

富順縣志

卷之四

廟壇

至

在縣東六清康熙二前臨螺溪
十里石牛十八年里後枕爬巖

白雲菴

寺保內

殿前有池
一方大可
二丈水瑩
潔如鏡上
架石橋四
面環以闌
干日光斜
照如垂虹
臥波復有
山泉自廟
後流入源
源不竭可
掬以供飲
廟宇三重
亦頗雄傑

人王天極
捐資創建
并施田數
十畝以供
焚獻

明正統十
一年建清
楊慎撰
楊慎冬日宿

羅漢寺

在縣南六里
康熙六年重修乾隆十四年僧慧明募捐於前

羅漢寺詩
金碧迷青紅
木葉蕭蕭澄
遠空銀蛇淵
渚亂吞吐上
方樓殿森玲
瓏廊僧暝汲
怯寒溜舟子
夜語驚天風
朝敞照檻堪
一望羨爾冥
冥高遶鴻

石佛寺

在縣南六十里周場國王清林四丈餘
明洪武時巖下有石訪册作縣西
大遼波利笄一株高七十里此仍
太子覺代

段志黃呂二
志同

富順縣志

卷之四 廟壇

五

中興寺

在縣西六十里
明嘉靖年間建清順治年間僧嗣燈及隱南重修

附考屬

節錄邑進士萬世緯記

城西去郭六十里許一山崑然懸石峭壁先民梵宇於上
土人晏姓因以名寺大明嘉萬間僧徒茸茸甲申羅亂寺與僧蕭然不堪問矣越十年甲午禪師嗣燈本邑劉氏子駐錫於中荃荆剪蔓運土搬磚補整一楹為棲禪所名中興禪院踰年老和尚密行受法自雙桂堂來是為破山嫡子源流付囑嗣燈是為破山嫡孫師圓寂後上道隱南羅盤作買羅舟東下自蜀而

楚而粵京以南京以北以及江右吳浙間歷盡廣興
 林笠歸來撚指十年師之派徒明珍及行僧慶穩真
 性等將中後兩殿次第修完隱南自捐衣鉢前殿兩
 廡亦俱告成嗟乎二十五年其功乃竣創建為難實
 其然乎是役也捐金助道任怨任勞多方護持者諱
 懋賞字颺之王姓也

迴龍寺 在縣西六十里彭廟

明代建 有銅佛三尊

聖果寺

在縣北六年張國獻
 佛渡 十里近牛李政建

梁間有鐵明尚書李長
 絲燈籠燃春有七絕一
 火當風不首
 息寺側黃
 顛一株大
 十餘圍

明景泰中內有銅佛
 里人金珠數尊

富順縣志

卷之四 廟壇

矣

金山寺

在縣北六建後人因
 十里 肖像建祠

於右咸豐
 庚申滇逆
 之亂遂成
 灰燼壬戌
 歲貢金光
 成修復原
 祠並繪珠
 像

茨觀音廟

在縣西六十餘里屬
 三河場

其廟係白
 茨藤一株
 盤結而成
 廣三丈許
 春初花放
 香溢數里
 葉隆冬不
 凋清溪環

繞短橋相
接宛然南
海

石盤寺

在縣東七
十里

明萬曆十
九年建

崇山之脊
有巨石如
盤因名

一名彌陀寺
見段志黃呂

來儀寺

在縣東七
十里

明時古刹

山勢如鳥
欲飛故名
清舉人范宗
揚大成諸
名宿多題
於此

二志作彌陀
菴

鹿峰菴

在縣東七
十里近響
石山

廟宇整潔
林木菁蔥

富順縣志

卷之四 廟壇

五

寶慶寺

在縣東七
十里保和
砦內一云七十
八里修
明天啟間
建乾隆二
十四年增

一名崇果寺

葛仙寺

在縣東七
十里段黃
二志同惟
呂志作九
十里修

附考屬

明大宗伯李長春致政歸以寺曠
游寺中四川布政使修撰李維楨
江何起鳴題第一名山李長春有
靈亦相新竹輿常在雨聲中
可憐今世間不應天公亦翻覆
送雲送雨上西山浮

富順縣志

卷之四

廟壇

李

考七律一首

附寺中各景

游太白借分襟不特於吾有斷金歡喜使君多善政
 亂山深處尚謳吟鄭晁叔兼父自富義赴官寧州
 過葛仙山訪十景暇誌辭賦有十景別宋艱葛州
 謫鞦韆富姪誤辨今大擬改使君李深甫相眷眷惜別
 以酒見酌徑醉正風雨泥淖君徑盤道三日乃至山
 輿中哦此詩遂留書山間乾道四年戊子仲夏十一
 日仙山斜日眺蒼霞把酒憑風四望除綠水細春
 雲碓藥丹楓晴染玉爐砂林間掬井虬龍起臺上吹
 笙怖鶴譁呼吸似應通帝座誰將笑語入天家萬
 歷甲辰九月二十四日同宋泰卿元交甘濟時叔與
 李長榮仁甫李胤祥雲卿游大葛山其飲仙臺之下
 余入石龕中結跏趺坐飲滿浮白聽越客吟呼童立
 臺畔吹洞簫以和之酣暢丙夜始返禪房兩宿李長
 春題萬歷甲辰九月侍家大人六游葛山六如李
 胤祥書內江梅友松有七律一首
 律一首甘濟時有七律一首滇洱李崇階戊午秋
 同潛夫天峰開士游葛仙步石壁梅友松七律一首又原韻無
 龔懋賢七律一首

六角亭

在寺右

清內江王果建

屹立巖邊
 下臨無地
 大江環碧
 遠岫延青
 獨立亭心
 飄然有凌
 雲之致亭
 趾成六角
 形斷柱舊
 聯惟餘弄
 月吟風四
 字已傾歛
 在封草積
 苔封矣掘
 王果葛仙
 山記尚有

團標寺

在寺後人頭石側

富順縣志

卷之四 廟壇

仙人石

紐石

在仙人石下

集唐句云
夜來雙月
滿江上數
峯青一聯
原名讀易
亭亦見王
記

界八方以
像八卦周
垣石砌半
就傾頽高
處尙三四
尺苔蘚斑
駁蝸址宛
然從下望
之如巢居
樹杪地形

空

面積不過
丈許

巖前一石

屹立如芝

日飛仙臺

高二丈許

上有仙人

足迹踰常

人武敏殆

三倍

高可六尺

如立筍如

纍碁通體

亂石堆成

榕根盤匝

嵌空玲瓏

奇密天巧

內江梅友松
制軍葛仙寺
詩怪來紐石
遺仙掌即指
此

尚書醉石

富順縣志

千佛巖

大字巖

在寺右

在六角亭下

卷之四

廟壇

二字不知
鐫自何代
從千佛巖
側身捫壁
而過半壁
凹石成佛
龕形可容
人臥三面
有字尚模
糊可辨即
尚書李長
春醉臥題
詩處後人
繪公醉後
欹眠像於
左
後枕羣峰
下臨萬壑

空

眾山拜拱
一練斜飛
靜坐巖間
如置身天
表幾不知
紅塵何處
滿壁皆石
刻佛像傍
多名人題
詠
巖高二百
尺有奇半
壁鐫龍蟠
虎踞四字
字徑丈許
旁為苔封
無從辨識
年月

鍊丹臺

丹井

隆興寺

普香寺

富順縣志

東嶽廟

淨明菴

古皇洞寺

規之以石遺礎猶存

臺旁有井黝然相傳為丹井

清邑貢生陳坤有宿寺感懷五律一首

四周林木護蔭田水環繞清雅宜人歷來

卷之四 廟壇

三

名宿多設講於此在仙峰山直上七重規模宏闊

舊志明代紳

官無黃允名

鄉科有黃充

止於通判通

志四副使

亦無黃允意

者鄰縣之人

與佛座下一井

相傳有麟時

或出現

宋皇祐六年

下建淳熙

甲辰重修

康熙丁酉

貢生丁翹

補修

明代建

在縣南七十里

在縣南七十里近趙

在縣南七十里近趙

段志在縣西七十里

黃呂志作

在縣東

在縣東

在縣西七十里

明崇禎間建

文武廟

本菴二歸

三段一歸

年將田分

乾隆二十

允施田建

明時古刹

人寺

在縣西七里板橋建

有鏤花
圖燈燃火
其中風吹
不滅地似
人形故名

汪家寺

在縣西七里板橋

寺前有曲

臨江寺

在縣西七里彭廟

水盤旋寺
後有羣峰
有鐵觀音
一尊大銅
佛三尊

大雄殿

在縣西七里彭廟

一洞最深
業經封閉
廟門前有
五色石

富順縣志

卷之四 廟壇

齋

毘盧寺

在縣北七里近甸年

廟前山水
幽秀

晏家寺

在縣北七里年

詔興寺

在縣下東宋時建清
古佛場接一年重修
在高巖下
巖湧清泉
朝夕不涸
明周麟有七
律一首

立戒廟

在縣南九里立戒山
清光緒中
里人易正
中易大熙
及鄭羅等
姓修建并
募置田業

設施藥施茶
施米施棺諸
義舉於其中

靈鷲菴

在縣南九里

數十畝

社積倉附建廟中

金龍廟

在縣南九里

明萬曆中
建清乾隆
間易王孫
章等姓培
修成上下
殿三重并
施田數十
畝入廟
明時古
其先係陳
姓所施地
址

林木蒼翠
溪水環繞
雅淨清幽
入座可滌
除凡慮

陳家洞寺

在縣下西九里

明萬曆三
年僧大意

富順縣志

卷之四 廟壇

空

重修

海潮寺

在縣西九里自流井

明時建有
方伯李氏
孝義碑

雙龍寺

在縣西九里

明萬曆中
建有至聖
像

殿側有泉
湧出沿至
廟左瀦而
為深潭潭
壁刻龍龜
蜿躍四字
筆力遒勁
款識剝滅
不可辨

賴雅廟

明景泰二
年建嘉靖

在縣北九十六年重修

附考屬

節錄明邑進士劉用中記
勝地也山靈攸附會兆示人曰吾泰山之神也鄉人於景泰初年因創廟禱祀禦災捍患其應如響復新於成化丁酉適主人郭宏字希仁誕生之年於茲蓋五十一載矣時移歲變廟貌傾圮神意若有不能妥焉者夜夢示希仁子盍為我新之希仁夢覺遂啟諸家進士郭珠並母夫人僉許曰可乃捐貲市材鳩工所費木石灰瓦繪素共計白金九十餘兩無分毫取辦於人經營於嘉靖乙酉落成於丙戌冬希仁主器名惟恆篤生乃孫適承新之之日則是廟之新而又新不已有其人乎鎮人施秉厚以其事白於余故書諸石
明邑進士何士林有東嶽萬年燈贊

富順縣志

卷之四 廟壇

突

三官堂

在縣北九清康熙間
十里近何陳奇鑑揚
家場輝建

有銅鐘大考銅鐘係明約一圍中嘉靖四十年可容粟一造本成都物斛上有楊賊亂蜀隨軍慎詩云營流移邑北黃邱居士李暮寺傍陳楊咸熙畫出建廟始移置雲山水墨此今現存三奇何似雲官堂廟中仍臥雲子白雲嶺上

靈應寺

在縣北九明萬曆時
十里近片建
佛渡月亮

梁間有鐵附設積倉
絲燈籠相
傳與聖果
寺為一對
尊林木蒼

在縣南一
百里疑即

福田寺

段志佛田寺

秀明邑進士韋蕃題七枝蘭若四字匾額今尚存

玉皇觀

在縣南一

廟據山顛廟前石階三百餘級山下數丈塔高數丈上有慈恩千古四字

珍珠寺

在縣西一井

疊嶂層巒巒一峰特峙寺居山腹間

富順縣志

卷之四 廟壇

七

天竺菴

在縣西一井龍墻

清邑貢生周祀有月夜懷李家臣五絕一首

高洞寺

在縣西一井北

清邑王渾仁有五言一首又晚眺五絕一首

高峰寺

在縣西一井南

明里貢生周

明成化六年僧圓常萬曆二年重修法堂清有懶生和尚寓寺與知縣洪憲新唱和後有雪浦

谩游高峰訪雪浦未遇兼懷懶生題壁七絕一首邑人李芝五言排律一首

富順縣志

卷之四

廟壇

突

朝天寺

在縣北一百里

明成化年間建

峰頂兀出古樹蒼秀圍護其上可望數百里

四韻又寺門有二柏一左一右大可合抱

寶峰寺

在縣北一百里距牛佛渡二十里

明代建

有銅像數尊

訪冊明永曆癸巳年

明永曆癸巳年即清順治

夏洞寺

在縣西一百一十里

建清道光丁未重修

十年其時蜀禍正亟安得有財力人力謀此不急之務惟據段志城隍廟記李覺慧以順治甲午募眾修理焚獻事亦同時似不得斥為虛造然足見邑人之依神矣

永鎮寺

在縣南一百二十里天台山

明萬曆戊子僧今耀互迴自仁懷來募建

大雄殿中懸鐵燈係一花樹圍繞而成剔

周尙義施透空明雖
山林田土大風雨燃
滅燈其中不

娑羅寺

在縣西一百二十里
明嘉靖十四年
建清施

水口寺

十二里近鼇溪橋

文昌宮

十五里近高石坎

觀音堂

十五里近高石坎

觀音菴

二十里近獅子灘

花甲寺

二十里近獅子灘

五峰菴

三十里近獅子灘

天池寺

三十里近高石坎

金相寺

四十里近騎龍場

黃葛洞

四十里近回龍場

鹿鳴洞

四十里近戴家寺

富順縣志

卷之四 廟壇

究

白象寺

四十里近戴家寺

普慧寺

四十里近戴家寺

黎家寺

四十里近巖磳

周家寺

四十里近爛泥橋

古佛堂

四十里近巖磳

金盤菴

五十里近騎龍場

永佛菴

五十里近黑石場

龍家寺

五十里近陳家灣

觀音堂

五十里近喻家山

梓潼觀

五十里近黑石場

淨土菴

五十里近喻家山

延慶寺

六十里近黑石場

永興寺

七十里近牛佛渡

福惠寺

九十里近月亮巖

文昌祠

九十里近廟壩場

楊家寺

九十里近廟壩場

龍高寺

九十里近廟壩場

以上俱在上東

草堂寺 五里近城

樓臺寺 十里近石河子

舞雩寺 三十里近湯元坳

陳家寺 三十里近湯元坳

悠泉寺 三十里近高石坎

姜家寺 三十里近高石坎

南海寺 三十里近高石坎

白象寺 三十里近古佛場
此里數疑誤

三官樓 四十里近大橋

白衣寺 四十里近琵琶場

桂家寺 四十里近琵琶場

觀音寺 四十里近萬家坳

嚴井寺 四十里近萬家坳

盤龍寺 四十里近萬家坳

興隆寺 四十里近萬家坳

龍供廟 五十里近琵琶場

富順縣志 卷之四 廟壇

七

廣佛寺 五十里近爛泥橋

文昌宮 六十里近杜家壩

黃葛寺 六十里近李子鋪

天臺寺 六十里近大山

金華寺 六十里近大山

石牛寺 六十里近大山

普賢寺 六十里近大山

張家寺 六十里近杜家壩

玉皇觀 七十里近童家寺

東禪寺 七十里近童家寺

鶴家廟 七十里近童家寺

中華寺 七十里近童家寺

獨松廟 七十里近鏡鉢山

鄧家寺 七十里近鏡鉢山

高洞寺 七十里近鏡鉢山

永洪菴 七十里近鏡鉢山

羅家菴 七十里近白洋坪

清涼洞 七十里近白洋坪

雲臺寺 七十里近白洋坪

龍臺寺 七十里近白洋坪

重慶寺 七十里近白洋坪

龍潭寺 七十里

文昌宮 八十里近天洋坪

董家寺 八十里近天洋坪

寶慶寺 八十里近天洋坪

張家寺 八十里近天洋坪

玉佛寺 八十里近天洋坪

金佛寺 八十里近天洋坪

金羅寺 八十里近天洋坪

龍光寺 八十里近天洋坪

妙覺寺 八十里近之溪鎮
黃志作知歧鎮後同

雲峰菴 八十里近之溪鎮

古佛堂 八十里

關聖殿 九十里近大坳現

龍定寺 九十里近茶店子

富順縣志 卷之四 廟壇

七

以上俱在下東 段志縣東尚有龍山寺廖家寺紹興寺龍山寺近迴龍場其永豐寺疑即

黃昌志之永峰寺隆興寺疑即黃昌志之興隆寺

文昌宮 二十里近三母灘

觀音山 二十五里近泥沱

玉皇觀 三十里

觀音寺 三十里

普香寺 三十里近三母灘

東嶽廟 七十里

了果寺 七十里

天寧菴 七十里

文昌宮 七十里

清輝洞 七十里近大墳壩

善果寺 七十里近萬壽場

哆囉菴 七十里近趙化鎮

安福寺 七十里近石灰溪

潭家寺 八十里近石河子

福果寺 九十里近懷德鎮

迴龍寺 一百里

永定寺 一百里

互堅菴 一百里

九橋寺 一百里

白衣菴 一百里

普華寺 一百里近瀘州界

伏虎寺 一百里近虎頭城

妙高寺 一百里近懷德鎮

東嶽廟 一百里近石河子

真覺寺 一百里近飛龍觀
疑卽段志正覺寺

關聖殿 一百一十里

來龍菴 一百一十里近瀘州界

海門寺 一百二十里

觀音寺 一百二十里近徐家場

黑雲寺 一百三十里近義和鎮

五顯廟

清福寺

富順縣志

卷之四 廟壇

三

以上俱在上南外尚有迴龍寺通聖寺均距城七十里

浪王廟 十五里在鄧井關

觀音閣 十五里在鄧井關

海會寺 二十里近黃葛灘

朝陽寺 二十里近尹氏壩

小溪寺 二十五里近黃葛灘

毘盧寺 二十五里近黃葛灘

石鸞寺 四十里近下迴龍場

香爐寺 三十里近丁家渡

三皇殿 四十里近黃茅嶺

唐家廟 四十里近青山口
段志作唐家寺

玉皇觀 四十里近流水溝

興隆菴 四十里近流水溝

迴龍寺 五十里

寶峰寺 四十五里近流水溝

仙峰寺 五十里

萬福寺 五十里近聚緣橋
疑當作巨緣橋

雲峰觀

五十里在兜子山
段志作雲峰寺

湧泉寺

五十里近黃茅嶺

平灘寺

五十里近新場

石高寺

五十里近新場

蓮花寺

六十里近兜子山

白象寺

六十里近仰天鋪

臨江寺

七十里

彭家廟

七十里

東林寺

七十里在大山

西林寺

七十里在大山

飛龍觀

一百二十里近南溪界

以上俱在下南

段志縣南尙有天臺寺寶華寺福慧寺

延壽堂

三十里近鞍子坪

騎龍寺

三十里近王家渡

大乘寺

四十里近王家渡

楊林寺

四十里近老鴉灘

富順縣志

卷之四

廟壇

三

高峰寺

四十里近簸箕灘

東林寺

五十里近沿灘

唐家廟

五十里近沿灘

水口寺

五十里近黃鎮鋪

水口寺

五十里近曾家大橋

魯家寺

六十里近沙坪

宋家寺

六十里近沙坪

金沙寺

六十里近沿灘

雷家寺

六十里近黃鎮鋪

易家寺

六十里近斑鳩石

白雲寺

六十里近毛頭鋪

蕭家寺

七十里

那家寺

七十里近沙坪

楊家寺

七十里近毛頭鋪

曹家寺

七十里近毛頭鋪

姚家寺

七十里近毛頭鋪

嚴家寺

七十里近茨巴坳

戴山寺

八十里近茨巴坳

以上俱在上西

龍潭寺 三十里近詹家井

迴龍寺 四十里近流水溝

香寶堂 四十里近流水溝

永興寺 四十里近黑面觀音

洗馬蕩寺 五十里

娑哪寺 五十里近新場

象鼻寺 六十里近新場

文昌宮 六十里近新場

石龍寺 六十里近新場

觀主洞 六十里近大山

東林寺 六十里近流水溝

廟糾寺 六十里近彭家場

趙家廟 六十里近彭家場

九臺山 六十里近九洪場

周家寺 六十里近板橋壩

龍雲寺 七十里

富順縣志

卷之四 廟壇

古

崔官房 七十里

中峰寺 七十里近細碗溝

王家廟 七十里近新場

觀音寺 七十里近板橋壩

普賢寺 七十里近宜賓巖

天宮堂 八十里

先市寺 八十里

迴龍寺 八十里

石板寺 八十里

吳家廟 八十里近板橋壩

任家寺 八十里近板橋壩

觀音寺 八十里近板橋壩

鳳翔寺 八十里近板橋壩

天堂寺 八十里近胡家坳

舒家菴 八十里近胡家坳

高灘寺 八十里近周家場

水口寺 八十里近周家場

大興寺 八十里近大山

何家寺 八十里近洗碗溝

周家菴 九十里

朝陽寺 九十里

圓覺寺 九十里

雨壇寺 九十里近中興場

陳家洞 九十里近中興場

關聖殿 九十里近孔灘

鳳凰寺 九十里近孔灘

雲峰寺 九十里近孔灘

迴龍寺 九十里近石子嶺

萬壽寺 九十里近石子嶺

雲林寺 九十里近九條溝

梓潼觀 九十里近孔灘

慈悲寺 九十里在孔灘場

趙家寺 九十里在大山

水口寺 九十里近望子河

薛家觀 九十里近宜賓巖

蒲家殿 九十里近中興場

富順縣志 卷之四 廟壇

差

洪巖寺 一百里近九條溝

龍興寺 一百里近周家場

以上俱在下西 段志縣西尚有清源寺普照寺平灘寺其雲龍寺疑即龍雲寺

李家寺 十里近海棠壩

文昌宮 三十里近詹家井

壁雲寺 五十里

觀音閣 五十里近簸箕灘

王家廟 五十里近瓦宅鋪

峙封山 五十里近沿灘

無邊寺 六十里

羅家洞 六十里

獅吼寺 六十里在瓦宅鋪仙灘之間

熊家廟 六十里近倒巖蕩

周家寺 七十里近仙灘

巖霖寺 七十里近仙灘 舊作一百里

洞山寺 八十里近劉家巖

護禪寺 八十里近雙橋子

慈雲寺 八十里近雙橋子

雲峰山 九十里近大山鋪

迴龍寺 一百里近大山鋪
舊作九十里

陳家寺 一百里近大山鋪
舊志作九十里近萬家橋

龍洞寺 一百里近沙衝子

水口寺 一百里近沙衝子

東嶽廟 一百里近自流井

余家寺 一百二十里近界
牌

以上俱在上北

富順縣志 卷之四 廟壇

川主廟 五里近城

大高寺 二十五里近老翁
橋

普照寺 三十里近確窩蕩

長寧菴 三十里近一碗水

古佛堂 五十里近瓦宅鋪

楊家寺 六十里近瓦宅鋪

聖壽菴 六十里近柏木溝

高峰寺 七十里

大乘菴 七十里

龍洞寺 八十里近何家壩
舊作一百里

承家寺 九十里近大山鋪

永福菴 一百里近大山鋪
舊作九十里

洞雲寺 一百里近沙衝子

劉家寺 一百里近大山鋪

羅漢洞 一百里近自流井

石龍菴 一百一十里近自
流井

傅家寺 一百二十里近界
牌

大覺寺 二十里近河

劉家寺 二十五里

川山洞 三十里近一碗水

萬壽寺 四十里近巖槽

玉積菴 五十里近瓦宅鋪

魏家寺 六十里近黑灘河

玉皇觀 六十里近柏木溝

羅井廟 七十里

升龍菴 七十里

白衣菴

七十里近何家場

淨修菴

七十里近雙溪井

貢山寺

七十里近雙溪井

麒麟寺

七十里近雙溪井

三聖菴

八十里近鷹鵲巖

大義菴

九十里近月亮巖

梵永菴

九十里近長灘河

三教菴

九十里近大山鋪

高廟寨

九十里近黑灘河

觀音閣

九十里近何家場

龍源寺

九十里近何家場

佛子寺

一百里近牛口橋

法海寺

一百里近石子嶺

袁家菴

一百里近龍門鎮

以上俱在下北

段志縣北尙有程家寺樓霞院寺

雲峰觀

五龍廟

下壩廟

隆興菴

沿灘

富順縣志

卷之四

廟壇

志

大廟

慈雲菴

天蓬菴

陞峰菴

疑卽上東之鹿峰菴

黃葛洞廟

以上段志統列不析屬四鄉爲黃呂所未錄及現未詳載者案段志紀寺觀其無可稱者於卷末統括以表黃仍段例而搜采較富亦較詳惟段表所列間未備錄呂志一依黃舊惟增下西距城七里半之光燈廟今卷未入路表悉仍黃志其段有而黃未及者補注各路後黃原有而今不及則已采入正表者也

各省會館在四鄉市鎮者仍仿黃志例不備載

論曰不載祀典之祠觀遍天下富順一縣而寺累音

相望於路南朝四百八十寺尙非其比足以觀世風

矣重修通志例以寺觀入禮俗志爲箸宗教之盛衰
有以也此外各省會館在城鄉市鎮者爲社會之一
宗蜀民多僑籍久猶懷其故土往往醵爲公產建爲
廟會各祀其鄉之神望有若其地名宦鄉賢猶存祀
典遺意視神叢祀類無稽稍稍近正顧舊志皆不載
今則又微矣爰附論於此觀風者擇焉

富順縣志廟壇校勘記

七十一葉四行寶慶寺卽五十九葉寶慶寺複見應

刪寺觀多同名異實惟此
雖田數稍歧確係一地

富順縣志

卷之四 校勘

